

“Dia pa dia e casonan di negligencia door di mayornan ta birando mas compleho”



Pagina 2

- **Kathy Paskel ta gana su caso contra minister Glenbert Croes** *Pagina 4*

- **A resolve caso di asesinato na Matividiri cu detencion di dos persona** *Pagina 2*

- **Trabao riba warda di Polis na Savaneta ta inicia otro siman** *Pagina 6*

Pagina 6

Escasez di webo na Corsou a causa di aumento den turismo y produccion reduci



Pagina 8

Mas cu 30 pais ta firma acuerdo nobo di crimen di guerra na Den Haag



Pagina 9

Crisis di inseguridad na Peru cu confiscacion di mas di 340.000 arma di candela



Pagina 10

TOP UP 24/7 A YEGA!

SmartUp Prepaid y EV ChargeUp
awo disponibel riba Pay.Aw



Download on the
App Store

GET IT ON
Google Play

ELMAR



Sue-Ann Ras y Maritza Maduro

“Dia pa dia e casonan di negligencia door di mayornan ta birando mas compleho”

A firma un acuerdo entre Departamento di Mucha y Hoben conhuntamente cu Bureau Sostenemi tocante e palabracionnan y accionnan laboral na momento cu tin sospecho di abuso di mucha den un centro di cuidado na Aruba y na unda a sigura cu casonan di negligencia door di mayornan ta aumentando na Aruba.

Sue-Ann Ras ken ta fungi como beledsmedewerker di Ministerio di Husticia y Asuntonan Social hunto cu Maritza Maduro representante di Bureau Sostenemi ayera mainta den un conferencia di prensa a señala cu nan a logra yega na un convenio laboral pa lo cual ta trata Codigo di Proteccion den e centronan di cuidado di mucha na unda tur ta hancra na Departamento di Mucha y Hoben.

Ras a sigura cu esaki tabata un proceso basta largo, pa motibo cu esaki ta trata di cinco paso pero ta importante pa e pasonan aki den e 87 centro di cuidado registra oficialmente por ser tuma na momento cu tin un sospecho di abuso di



mucha, di kico mester haci, na unda mester yama y kico ta e camindanan cu mester cana haciendo uso di e cinco paso di e Codigo di Proteccion.

“Pa nos ta hopi importante pa tin procesonan structural pero tambe con nos por traha cu otro, kico nos por spera di otro den e aspecto laboral,” Ras a bisa.

E parti di mas importante

pa nan pa ta empodera otro, esaki ta pone cu Codigo di Proteccion ta un ley y banda di esaki e ora ey mester pasa e cinco paso uniforme, nan sa cu centronan di cuidado no tin un structura manera enseñansa cu tin diferente otro aspecto cu lo por yuda den e structura di cuidado, den centro di cuidado no tin esey ainda pero si tin intencion for di Departamento di Mucha y

Hoben pa nan lo por yega na esey.

Tin mas centronan di cuidado cu no a registra manera Ras a comenta y ta importante pa nan tur sa kico ta e liñanan cu nan mester cana pero tambe kico nan por spera di Departamento di Mucha y Hoben cu Bureau Sostenemi.

Pa e motibo ey nan a pone dos supervisor di Codigo disponibel pa nan por haya informacion di cua centro ta cay bao di cua supervisor pa duna nan e guia y e sosten na momento cu tin un caso di sospecho di abuso di mucha den un centro di cuidado.

E proceso ta cu awor nan ta haciendo supervision den tur e centro di cuidado y esnan cu no ta registra, nan mester cuminsa cu e proceso pa registra manera ley ta indica sino hasta por cera nan.

Ras tambe a bisa cu nan ta traha cu e parti di sospecho di abuso di mucha pa lo cual el a splica cu esey ta algo hopi desapuntante pa mira con mayornan pa hopi biaha, nan ta e prome cu ta comete abuso mucha door di negligencia y esey nan ta mira diariamente. Nan ta hayando mas cu un tipo di abuso di mucha cu ta

sosodiendo segun Ras a afirma y esun cu mas ta resalta ta e parti di negligencia loke ta nifica cu mayornan tambe mester asumi nan responsabilidad, na momento cu ta scoge pa tin un yiu, e ta bin cu responsabilidad riba dje. “Di lo cual cu nos ta experiencia, mi por bisa cu dia pa dia e casonan ta birando mas compleho y esey ta lo cual nos ta bibando diariamente,” el a bisa.

Di su parti, Magaly Maduro di Bureau Sostenemi a bisa cu nan ta hopi contento na unda despues di un temporada basta largo, ayera nan por a firma un acuerdo di trabou y ta importante pa keda hancra den ley ademas pa sa ki ora y ken tin cu haci su trabou. Maduro a expresa cu mester sigui e cinco paso di e Codigo di proteccion sin excepcion y den caso cu e persona por keda pega den un paso, e por pidi ayudo na dos supervisor cu tin pa cierto cantidad di centro di cuidado di mucha. E supervisor ta e persona cu por duna e guia na prome instante, si ta un caso mas grave, por tuma contacto cu Bureau Sostenemi.

A resolve caso di asesinato na Matividiri cu detencion di dos persona

Mediante un comunicado di prensa di Cuerpo Policial di ayera atardi, a informa cu nan a logra detene dos persona involucra den asesinato di un persona dia 24 di december ultimo na area di Matividiri.

Desde diaranson di siman pasa, Recherche Santa Cruz (DAR-4) a detene e homber di inicial B.E.J.M. naci na Aruba di 37 aña di edad relaciona cu e caso di asesinato di Sergio Maduro cu a tuma luga dia 24 december 2023.

Diamars ultimo, tambe Recherche di Santa Cruz a detene e dama di inicial J.R.G. naci na Aruba di 39 aña di edad.

Cuerpo di Polis a indica cu Recherche di Santa Cruz niun dia a stop di investiga y poco poco a haya suficiente informacion y prueba pa Ministerio Publico por duna orden pa detene e dos per-



sona aki. “Un tremendo trabao di recherche nan di Santa Cruz cu a traha incansablemente pa pone man riba e sospechosonan. Cu esaki tambe Recher-

che di Santa Cruz ta resolve e caso aki.” E comunicado a señala.

Diadomingo 24 di december den oranan di anochi cu pa

mas o menos 7or central di polis a haya e notificacion cu lo tabatin un hende homber benta abao band'i caminda.

Polis a informa cu nan a des-

pacha un patruya na e sitio y tambe a notifica ambulance.

Na yegada di e patruya ta bin topa cu un hende homber cu no tabata duna señal di bida, ambulance tambe a presenta pero no por a haci nada mas.

Ta pone e autoridadnan concerni na altura pa asina cuminsa un investigacion kico por a pasa cu e persona cu a ser haya sin bida.

Pa 8:35 Dr. Texier a constata morto y na e momento ey no a haya ningun identificacion, kedando e caso bao investigacion.

25 di december autoridadnan policial a informa cu e persona hende homber cu a ser haya diadomingo ultimo 24 di december morto banda di caminda na Matividiri a ser identifica como Sergio Maduro di 44 aña di edad.

Aruba Bank ta sostene Aruba Scholarship Foundation den nan mision pa brinda oportunidadnan educativo na hobennan

Ayera mainta Aruba Bank a cera un acuerdo cu Aruba Scholarship Foundation pa asina contribui cu educacion y formacion di e futuro lidernan.

Den cuadro di esaki, Edseline Leer – Semeleer, ken ta fungi como Head of Retail Banking di Aruba Bank a expresa cu educacion ta e herment mas poderoso cu por usa pa cambia mundo.

Pa medio di e partnership cu Aruba Scholarship Foundation nan ta prepara e caminda pa un futuro mas briyante pa e hobennan.

Nan compromiso pa contribui cu un monto di 36.000 florin pa e proximo 4 aña no ta solamente un aporte monetario manera Leer a splica, e ta demostra tambe e confianza cu nan tin den e potencial di e hobennan y e futuro lidernan di e comunidad.

“Danki na Aruba Scholarship Foundation tambe pa duna nos e oportunidad di forma parti di e tremendo programa aki y nos por yuda tambe na aporta y contribui cu educacion na nos hobennan”, Leer a bisa.

Di su parti, Ramon Ras Head of Corporate & Platinum Banking di Aruba Bank a comenta cu ayera Aruba Bank hunto cu Aruba Scholarship Foundation a celebra un logro den envolvimento comunitario y apoyo pa educacion marcando e comienso di un partnership prometedor, segun el a afirma.

Ademas a reitera cu e acuerdo aki ta refleha nan dedicacion pa hubentud di Aruba reconociendo cu e progreso di e comunidad ta keda den educacion di e muchanan.

“Nos ta honra di contribui na e causa aki sigurando cu barenanan financiero no ta impedi e soñonan y aspiracionnan di studiantenan hoben, na studiantenan cu lo beneficia di e beca aki, soña sin limite, traha duro y corda cu nos comunidad ta kere den bo, bo exito ta



nos exito, danki na tur esnan involucra cu a haci pa e partnership aki bira un realidad, hunto nos ta haciendo un diferencia den e bida di nos studiantenan y e futuro di Aruba,” Ras a sigura.

E acuerdo, firma riba 1 di februari 2024, ta e compromiso di Aruba Bank pa contribui cu 9.000 florin anualmente durante e proximo cuater aña, cuminsando for di e aña academico 2024-2025 te cu 2027-2028, pa financia “scholarship” pa e studiantenan local.

Lydia Emerencia ken ta secretaria di directiva di Aruba Scholarship Foundation a splica cu esaki ta un donacion hopi significativo pa nan como fundacion cu ta existi for di algun añanan caba y pa hopi tempo ta haciendo su

esfuerzo pa por yuda studiantenan, particularmente esnan cu kier studia na Merca, yuda nan pa por haci esey financieramente posibel.

“Como fundacion pa nos por logra e meta ey, nos ta depende totalmente di e bon boluntad di comunidad di Aruba, di individuonan pero tambe di companianan of organisacionnan grandi manera Aruba Bank, pa e motibo ey den nomber di Aruba Scholarship Foundation y nos studiantenan akinan nos ta expresa nos gratitud inmenso pa e gesto aki,” el a sigura.

Ademas, Emerencia tambe a trece dilanti cu Aruba Scholarship Foundation a haci un diferencia na Aruba pa loke ta trata e formacion di su cuadro profesional, durante di añanan por medio di e beca.

Maske ta un beca parcial, toch e ta haci e estudio posibel pa hopi persona cu a bay afo studia na diferente pais y nan a bin back Aruba, tumando posicionnan hopi clave den comunidad.

“Estudio ta importante y estudio academico ta importante y necesario pa nos contribui pa nos por forma nos propio hendenan akinan na Aruba pa nan tuma e posicionnan di liderazgo den nos comunidad,” Emerencia a bisa.

Aruba Scholarship Foundation ta un fundacion cu a lanta mas di 30 aña pasa door di ciudadanonan di Aruba cu a mira e necesidad pa apoya studiantenan di Aruba pa nan por bay studia den exterior,

specificamente na Merca, pa motibo cu studionan ayanan ta hopi caro y no semper alumnonan cu lo kier bay tin e medianan financiero.

Ademas tin hopi estudiante cu ta scoge pa studia na Merca y no Hulanda, debi na e carera cu nan ta preferi pa nan futuro.

Eynan a lanta Aruba Scholarship Foundation cu e intencion pa acumula e fondonan necesario pa por yuda e studiantenan aki haci nan soño posibel di manera parcial, no totalmente pa motibo cu nan no tin e capacidad pa financiar nan carera completamente, manera Emerencia a declara.

Nan tin un sistema di screening cu aspectonan social, unda studiantenan realmente por muestra e necesidad pa por bin na remarca pero tambe cu nan tin e motivacion y e capacidad pa studia na universidad cu un grado academico halto.

“Kiermen nos mester ta sigur cu nan por tin e capacidad y e motivacion pa nan por logra esey.”

Como directiva nan ta satisfecho y orguyoso pa mira e resultado durante añanan caminda personanan cu a haci uso di Aruba Scholarship Foundation awendia tin posicionnan clave den comunidad tanto den sector publico como den sector priva y nan a hunga un papel importante den esey.

Contribucion di Aruba Bank lo tuma lugar anualmente, contribuyendo directamente na e fondo di e fundacion, y asina segura cu e studiantenan ricibi e sosten cu nan mester pa continua nan educacion avansa.

E colaboracion entre Aruba Bank y Aruba Scholarship Foundation ta realiza un compromiso cu futuro di e hobennan di Aruba.

Kathy Paskel ta gana su caso contra minister Glenbert Croes

BESLISSING

De rechter in dit gerecht:

- verklaart het bezwaar gegrond;
- vernietigt de bestreden beschikking van 3 mei 2023;
- veroordeelt verweerder tot betaling van de door klager gemaakte proceskosten, die worden begroot op Afl. 1.400,- aan gemachtigdensalaris.

Deze beslissing is gegeven door mr. N.K. Engelbrecht, rechter in dit gerecht, en werd uitgesproken ter openbare terechtzitting van 5 februari 2024 in aanwezigheid van de griffier.



= Gaza nr. AUA202301889 =

A bira conoci e sentencia den e bezwaar entrega door di ex-director di DIMAS, Kathy Paskel, contra e decision di minister Glenbert Croes pa nenga Paskel acceso na tur edificio y propiedad di DIMAS.

Den un decision di dia 3 di mei 2023, cual ta e decision den disputa, Minister Glenbert Croes a dicidi di nenga acceso inmediato na Kathy Paskel na tur sitio, edificio, tereno, vehiculo y ambiente digital di trabao di Departamento di Integracion, Maneho y Admision di Stranhero (DIMAS) pa un periodo di tres luna. Paskel a entrega un keho contra esaki dia 2 di juni.

Considerando e posicion di e partidonan Paskel no por djis acepta cu a nenga acceso y a bisa cu a impone esaki inhustamente. E no a comete ningun malconducta, manera evidencia den e rapport di Departamento di Recurso Humano (DRH).

Croes di su banda a basa e decision pa nenga acceso, en resumen, riba eventonan cu individual of colectivamente ta constitui malconducta cu a merece un investigacion disciplinario. Croes a bisa cu a perde confiansa den Paskel, y cu un colaboracion fructifero ya no ta posible.

E comportamentonan cu a describi, segun e sentencia di corte, ta relaciona na instruccion pa emiti declaracion di operacion di ley; pasa representacion legal na terceros; e caso di Sra. Ingri Juliana

Ramirez Rodriguez; emision di VTA en conexion cu eventonan cu a tuma lugar dia 15 di april 2023; y un di dos valsheid in geschrifte.

E caso aki tabata trata si e minister tabata hustifica pa nenga acceso di Paskel na establecimiento y areanan digital di DIMAS.

Hechonan Via decreto dia 16 di februari 2007, Gobernador di Aruba a dicidi di nombra Paskel como director di DIMAS cu efecto dia 1 di juli 2006.

Via decreto ministerial di 15 di october 2021, e minister a establece e grupo di maneho DIMAS. Via decreto ministerial di 10 di maart 2022, e minister a revoca e decreto aki.

Via decreto ministerial di 15 di maart 2022, e minister a dicidi di establece un Management Team, encarga entre otro di supervisa e maneho general (diario) di DIMAS. A determina cu e maneho operacional diario di DIMAS lo ta responsable na e Management Team, cu tambe ta duna guia y conseho na DIMAS. E miembronan nombra den e Management Team ta Lirriane Frias, Edgar Arends, Jennifer Tromp, y Henry Baarh.

Paskel a entrega un obheccion contra e veredictonan di 10 y 15 di maart 2022, y a rekeri alivio interino. Via un veredicto di corte a suspender e decretonan aki te cu por a tuma un decision riba e obheccion (bezwaar).

Den un decision dia 3 di mei 2023, e minister a dicidi di inmediatamente nenga Paskel acceso na tur edificio, tereno, vehiculo y ambiente digital di trabao di DIMAS pa un periodo di res luna. E decision ta duna como motibo varios "suceso" cu a conduci na e deterioro di confiansa cu mester existi entre e hefe di departamento y e minister, "cu ta haci cu cooperacion entre nos no ta posible mas." Den esaki, e minister a menciona varios incidente. E prome tabata corespondencia entre DIMAS y e bufete di abogado contrata pa e minister, Wix Advocaten, cu a tuma lugar entre october y december 2022. Sinembargo, a nota cu tabata te maart 2023 cu a ricibi confirmacion di e solicitud di e minister, sin cu a duna un clarificacion pa e tardansa.

A menciona ademas cu e minister a duna instruccion pa cierto casonan wordo manda pa representacion legal na Wix Advocaten, incluyendo caso relaciona cu aplicacion di asilo. E minister a tuma e decision y a comunica esaki na Paskel. Sinembargo, Paskel "a consider'e necesario pa anula e decision di minister y no regarda su instruccion specifico," y a nombra otro representantenan legal. Di esaki a manda copia na otro minister y director di DWJZ, "no solamente sin permiso di bo minister como autoridad competente pero tambe conteniendo cantidad di eror."

E minister ta menciona tambe cu despues di a ricibi reportahe y keho tocante falta

di respuesta pa aplicacionnan di permiso dia 13 di maart 2023, a duna instruccion na Paskel pa catch up cu e maneho of procesamento di cierto aplicacionnan pa permiso. El a bisa cu Paskel a duna un overview di tur aplicacion cu a keda pega na diferente departamento of etapa di proceso di evaluacion, y a duna un analisis no solicita di e "motibonan" pakico e sistema a faya. Sinembargo, e no a cumpli cu e trabao pa catch up.

Pa loke ta e caso di Ramirez Rodriguez, dia 20 di maart 2023 a duna Paskel instruccion por escrito pa emiti un permiso temporal di residencia na Rodriguez, pendiente e resultado di e proceso di verificacion na embahada Hurlandes na Colombia. Segun e minister, sin permiso, Paskel a dicidi di revoca e permiso temporal en cuestion. E minister ta considera esaki como algo cu ta mina su autoridad.

Tocante e VTA pa eventonan cu a tuma lugar dia 15 di april 2023, e minister a keda acerca pa un grupo di musico cu a bin Aruba pa un concierto. Despues a sali na cla cu organisadornan di e concierto, den consulta cu DIMAS, a entrega aplicacion pa permiso pa e musiconan dia 5 di april 2023. Nan a ricibi invoice pa e tarifanan aplicable dia 11 di april 2023, y a paga nan e siguiente dia, 12 di april. Sinembargo, no a procesa e VTA y no a emiti nan (na tempo).

E ultimo problema cu Croes a menciona ta e acusacion di valsheid in geschrift. Esaki ta trata di un rapport cu Paskel a entrega contra e minister pa falsificacion, cual "incidentalmente no a conduci na proceso criminal di OM", y Paskel a dicidi pa entrega un di dos keho di falsificacion contra e minister tocante un cantidad di VTA cu e minister a emiti. Despues di esaki tabatin un investigacion lunas largo di OM cu en resumen no a revela nada otro cu e hecho cu e minister a actua den marco di su autoridad, "esaki tabata e ultimo gota pa mi," segun Croes a bisa.

Evaluacion

Corte a enfatisa cu nenga acceso ta un medida provisional cu tin como meta principal pa preveni interferencia cu un investigacion (disciplinario) riba posible iregularidadnan

y tambe tin meta pa mantene orden y paz dentro di e departamento. Pasobra e medida aki ta afecta e posicion legal di e ambtenaar en cuestion y nan relacion cu koleganan, esaki mester ta lo mas limita posible y proporcional na e naturalesa y alcance di e investigacion. E decision pa impone e medida interino aki mester contene e base legal, e motibo precies, e momento di comienso y e duracion spera di e medida interino.

Corte a nota cu e minister a determina e duracion di e nengamento di acceso imponi riba e ambtenaar na tres luna. Segun ley estableci, un duracion razonable pa nenga acceso ta seis siman cu e posibilidad di un extension. Den e caso aki, door di impone pa nenga acceso pa un duracion di tres luna directamente, loke ta implica un modo di suspension, e minister no a eherce su due diligence.

Corte a considera cu for di e documentonan y e audiencia, por conclui cu tabatin un investigacion riba representacion legal for di dentro di DIMAS, e funcionamiento general di DIMAS y un investigacion riba dos caso specifico. E resultadonan di e investigacion riba supuesto mal conducta ta documenta den un rapport di DRH cu fecha 31 di juli 2023. Ora a cuestion'e, e ambtenaar a declara na e audiencia cu DIMAS ta trata un averahe di 15mil aplicacion anualmente, di cual ta otorga entre 87% y 90%, y cu tabatin un peak den aplicacion pa asilo na 2019. Un atraso a sucede pa motibo di falta di personal.

E resultadonan di e investigacion riba supuesto malconducta ta documenta den e rapport di DRH. Den e rapport ta conclui cu Paskel no a comete ningun mal conducta cu ta hustifica un medida disciplinario. Den opinion di e corte, pues no tabatin base pa impone e medida interino di nenga acceso riba Paskel, conduciendo na e anulacion di e decision aki.

Decision

Pues corte a dicidi cu ta sostene e obheccion di Paskel, ta anula e decision di e minister pa nenga Paskel acceso na DIMAS, y a duna orden pa e minister paga e costonan legal di Paskel, calcula na Afl. 1,400.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroe (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

**Administracion
accounting@bondia.com**

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Ningun hende riba ley... Cu regla igual pa tur...

Mientras cu talvez no tabata spera un accion di Ministerio Publico mas den e caso di corrupcion na Arubahuis, e siman aki a manece di forma diferente cu detencion di e ex-ministro plenipotenciario mes, como sospechoso principal den e caso yama 'Tulipan'. Esaki a sigui despues di e detencion reciente di e director suplente di Arubahuis den e mesun investigacion. Por ta cu tin hende ta puntra nan mes kico ta e motibo pa persigui e ex-ministro despues cu el a haya caba e sancion di gobernacion perdiendo su puesto como empleado publico, hasta tabatin caso den corte di su banda, refutando su retiro y perdiendo e caso ey. Esey tin su logica den e sentido cu e retiro no ta un castigo hudicial, sino e sancion imponi di banda di e empleador, den e caso aki Pais Aruba, pa incumplimento cu su obligacionnan como empleado publico. Di un banda ta bon cu finalmente a yega e momento pa Ministerio Publico haci su trabao, pero pa basta tempo cos no tabata muestra den e direccion aki. Na promer momento a tarda pa reconoce cu tabatin un problema na Arubahuis, despues – corectamente – a laga CAD haci un investigacion, pa seguidamente comete otro eror manteniendo e rapport secreto y no pasa esaki pa autoridadnan hudicial. A duna un comision gubernamental e tarea di analiza e situacion, loke a conduci na motibo pa actua. Despues a tuma lugar henter e proceso di actuacion disciplinario, como dunador di trabao, te na e caso di apelacion den corte. Nos no ta bisa cu accion di parti di oposicion politico a hunga un papel, pero e realidad ta cu despues di e denuncia haci – pa falta di accion di banda di gabinete, finalmente Ministerio Publico a actua, y esey ta unda nos ta awe. Mester ta claro cu, si nos contempla tur loke a sucede den secuencia cronologico durante ultimo añanan, esaki no por sirbi como un guion, un modelo pa maneha e tipo di caso aki. Esey seguramente no, pasobra den pasado, reciente y mas leu atras den pasado, a sa di maneha e asunto concerni di manera diferente. Ta mas cu visto cu tabatin un intento pa alarga e proceso, talvez cu e speranza cu e asunto por a keda limita na e aspecto di sancion di e dunador di trabao y sin persecucion hudicial. Un problema adicional cu a crea cu e forma di atende e caso, ta cu a duna inicialmente un trato special na e ex-ministro, dunando e impresion cu tin dos o mas set di regla, segun e importancia, politico o di otro indole, den e caso di e ambtenaar implica. Sin duda algun awor lo por bisa, di banda di e gabinete, cu a actua y cu e resultadonan ta proba esey. Nos lo keda muestra sin embargo riba e obvio falta

di diligencia, cu segun nos opinion tin di haci cu e 'embarrassment' di e momento pasobra ta trata – atrobe - di un miembro prominente di e partido grandi den actual coalicion. Pero hustamente pa e tipo di vacilacion den un caso asina ta laga e momento bay perdi pa demostra cu tin un solo husticia pa tur hende. Y cu tin motibo pa demostra esaki nos por mira na cierto sucesonan den ultimo añanan, unda no necesariamente tabata gobierno cu a faya, sino otro entidad (semi)gubernamental y e propio Ministerio Publico. Nos ta menciona aki, no pa promer biaha, e caso di fraude cu e Paptestnan na Laboratorio na Hospital, unda tabata existi un falta di animo pa haci e trabao obligatorio den e caso aki. Na promer instante Ministerio Publico no tabata kier a actua, o en todo caso tabata duna e impresion ey, pasobra "no a ricibi ningun denuncia". Un argumento un poco straño pasobra den e caso "Ibis" procurador general a señala cu e caso a cuminsa cu cierto indicacion riba medianan social riba internet... Ministerio Publico ta lesa corant ora ta conveni so? Finalmente e instancianan concerni a haci denuncia, y e asunto e yega te eynanan..., no a tende nada mas, contal cu e dos sospechosonan por a bandona Aruba, sin ni un dia a duna cuenta tocante e proceso aki. Naturalmente, por puntra awor kico ta e proposito di trece tur esaki dilanti? Nos por constata na promer lugar cu tabatin cambio positivo den actuacion di Ministerio Publico den ultimo añanan, y cu ki resultado: seis (6) caso contra funcionario halto di ken cinco tabata ministro, desde e momento cu e promer caso contra e ex-ministro encarga cu labor a cuminsa na 2016. Como pais nos ta casi 'score' un caso ministerial pa cada año. Nos ta bisa esaki pa ridiculiza nos gobernacion? No, pero ta importante pa remedia algo cu ta bay mas leu cu djis atende e casonan individual manera nan ta sucede y laga e asunto te ey. Esaki ta e momento pa haci algun cos sumamente importante. Por ehemplo: tin keto bay fayoso considerable den administracion financiero na varios lugar den gobernacion, Arubahuis lo no ta e unico ehemplo. Mehora y impone un control severo pa un y tur ta obligacion di cualkier gobierno, unda no tin lugar pa faboritismo di ningun color (politico). E actitud vacilante cu gobierno a tuma den e caso na Arubahuis ta muestra riba un falta di voluntad pa tuma e caminda corecto, y ademas informa comunidad di kico ta pasando. Nos ta keda confronta cu propaganda ora gobierno ta haya esey apropia, pero den practica no ta usa e ehemplonan na man pa proba cu tin ley y regla uniforme pa tur.

Minister di Finanzas a reuni cu compania di rating, Standard & Poor's

Fin di maart por spera resultado di e evaluacion



Aruba ta prepara pa subi mercado internacional di capital y pa e motibo aki minister di Finanzas, Xiomara Maduro ta reuni den e dianan aki cu companianan di rating pa asina por ricibi e evaluacion financiero y economico necesario di e credibilidad financiero di nos Pais.

Siman pasa Minister Maduro hunto cu e ekipo di Departamento di Finansa a reuni cu ehecutivonan di Standard & Poor's (S&P) riba e evaluacion di nos Pais su situacion financiero y economico.

Tabata un bon reunion den cual a repasa informacion economico mas reciente, e resultado di e ehecurion di presupuesto y cambionan fiscal, maneho di debe y a repasa e trabounan cu ta tumando luga den cuadro di e Land-

spakket acorda cu Hulanda. A prima vista, S&P ta satisfecho pa mira e pasonan cu a wordo tuma pa asina Aruba por a recupera di e pandemia y desicionan cu ta concretisa awo den estabilidad financiero pa Aruba cu ta yuda mantene y crece e credibilidad financiero di nos Pais.

Minister Maduro ta gradicir tur stakeholders pa nan input balioso pa e evaluacion di Aruba y ta gradicir e team di S&P pa nan trabou dedica y nan bon cooperacion di semper pa Aruba. Fin di maart por spera e resultado di e evaluacion.

Minister Maduro ta gradicir tur stakeholders pa nan input balioso pa e evaluacion di Aruba y ta gradicir e team di S&P pa nan trabou dedica y nan bon cooperacion di semper pa Aruba. Fin di maart por spera e resultado di e evaluacion.



Minister Rocco Tjon a reuni cu alto mando di polis

Trabao riba warda di Polis na Savaneta ta inicia otro siman



Diamars, Minister di Husticia y Asuntonan Social sr. Rocco Tjon a bishita Cuerpo Policial di Aruba na Macuarima, caminda a hiba un dialogo cu Korps Management Team (KMT). A ricibi un presentacion pa loke ta e evaluacion di carnaval,

manera ta conoci Cuerpo Policial a haci un tremendo trabou e luna tras di lomba y e weekend cu a pasa, caminda a logra mira cu orden publico a wordo garantisa pa ambos participantenan y mirones.

Durante e reunion aki, a wak

y recapitula tur e pasonan cu ya caba a wordo tuma pa loke ta inversionnan pa cu Cuerpo Policial. Asina a toca e timeline pa loke ta uniform nobonan cu ta muy pronto lo ta yegando Aruba, pero tambe e portofoons y e autonon nobo cu ta na caminda. Banda di esaki a wak e desaroyo di e



diferente inversionnan infrastructural, segun planificacion, e trabounan pa loke ta e warda di Polis di Savaneta lo inicia otro siman. E Operation Command Center, e trabou aki lo wordo entrega na april y e Family Justice Center lo keda cla na juni.

Na mes momento a wak tambe e inversionnan cu lo bay wordo haci pa aña 2025 pa loke ta e partinan infrastructural, tecnologico y innovativo y mas. Ademas di esaki, a ricibi feedback tambe tocante e reorganizacion cu

ta den pleno ehecurion. Un reorganizacion cu ta bay haci e organizacion di Cuerpo Policial di Aruba, uno mucho mas dinamico y asina brinda mas perspectiva pa tur e coleganan cu ta forma parti di Cuerpo Policial di Aruba.

Un reunion sumamente positivo, den bon ambiente, caminda a scucha feedback y a comparti ideanan y dialogo cu Alto Mando di Polis. Un pabien grandi y un danki na henter Cuerpo Policial pa e bon trabou cu nan a haci durante e temporada tras di lomba.

Hulanda:

No tin cuida adecua pa bomberonan cu PTSD

(NLTimes)—Hulanda no ta provee cuida adecua pa bomberonan cu post-traumatic stress disorder (PTSD) como un resulta di e trauma cu nan ta sufri durante nan carera, Zembra ta reporta despues di conduci investigacion. Bomberonan mester busca ayudo nan mes of bringa nan empleadonan den corte pa ayudo.

Segun cifranan oficial, sola-



mente un par bombero Hulandes tin PTSD. Sin embargo, investigacion internacional ta indica cu e cantidad di berdad por ta cerca di 1,500.

Desde 2006, e departamento di bombero tambe ta responde na resucitacion pasobra e tin un tempo di respuesta mas cortico cu ambulance. Zembra a descubri cu e brigada di candela actualmente ta conduci mayoria resucitacion compara cu tur servicio di emergencia.

Na Amsterdam y Rotterdam, bomberonan a conduci casi 2,000 resucitacion aña pasa. Esey ta inclui babyman

y muchanan chikito. Den aproximadamente 80% di resucitacion, e victima ta muri.

Actualmente, mayoria di e 25 region di seguridad Hulandes no tin un bista den e cantidad di bomberonan cu PTSD den nan brigada. E excepcion ta na Amsterdam Amstelland, cual a lansa un "areglo di lenidad" temporal pa hende cu PTSD den 2022 pa asina e bomberonan aki no enfrenta recorte di salario. Segun hefe

di brigada di candela na Amsterdam, Tijs van Lieshout, 43 bombero a registra pa e skema ey.

Noordoost-Gelderland y Twente ambos a conta Zembra cu nan sa di tres caso, y Friesland a bisa cu el a referi 13 bombero cu posibel sintoma di PTSD pa ayudo durante e dos añanan cu a pasa. Haagland a conta shete posibel caso durante e ultimo cinco aña.

Puerto Rico ta enreda den un discusion pisa tocante vacuna y tapaboca



(AP)—Un debate pisa tocante salud publico y derechonan personal tin Puerto Rico den tension e siman aki, intensificando diaranson ora legisladonan a pleita cu exper-tonan medico.

E debate a cuminsa e luna aki despues cu e administrado di e Cas di Representativonan na Puerto Rico a anuncia e uzo mandatorio di tapaboca, siguiendo varios caso di Covid-19 reporta den e edificio di Capitol.

Un legislado conservativo, Lisie Burgos, a nenga di bisti tapaboca y a ser kita for di e audiencia siman pasa, cual a caus'e pa entrega un caso dialuna cu ainda mester ser resolve. Despues un hues a ordena cu, mientras, e Cas di Representativo di e isla no mester "prohibi, preveni of interveni" cu e derechonan di Burgos pa atende reunionnan.

Hopi a rabia cu e huicio, notando cu e isla di 2.3 miyon hende ta reportando aproximadamente 1,100 caso di Covid-19 tur dia, cu casi 25% di test dunando un resultado positivo. Na november aña pasa, e gobierno di Puerto Rico tambe a declara un epidemia di griep.

Varios ora despues di e huicio dialuna, e presidente di e Cas di Representativonan a de-

clara un estado di emergencia y a anuncia cu tur sesion lo mester tuma luga virtualmente te cu fin di februari. E senado di Puerto Rico a bisa cu e no ta considerando medidanan similar.

Mientras representantenan a reuni tras di nan computer e siman aki, nan a aborda un presupuesto cu lo elimina rekisitonan di vacuna pa muchanan di scol mas jong cu 5 aña, un propuesta cu a sigui inflama e debate andante.

Diaranson, expertonan medico a condena e legislacion. "E legislacion aki, basicamente ta hinca e estado den un coriente ideologico anti-ciencia cu a garna siguidonan den cual a ser describi como un era nobo di oscurantismo," segun Dr. Carlos Díaz Vélez, presidente di e Asociacion di Ciruhano na Puerto Rico.

Otro dokternan a testifica tocante e seguridad y necesidad pa vacuna. Waleska Crespo, presidente di un asociacion di scolnan secundario y universidadnan priva, a echo nan preocupacionnan. "Ta gobierno mester proteha e derecho fundamental pa salud," el a bisa.

E legislacion a ser entrega pa Burgos, miembro di un partido conservativo chikito, y cuatro otro legislado cu ta representa e dos partido politico mas grandi na Puerto Rico. Nan ta argumenta cu mayornan cu no ta kere den vacunacion pa motibonan religioso of otro mester haya exempcion.

Apoyando e legislacion tabata Carlos Pérez Toro, un pastor catolico cu a papia durante e audiencia diaranson. "E falta di duna mayornan informa-

cion, pa asina nan ta esun cu ta dicidi na final kico ta miho pa nan yiunan, a resulta den decisionnan di gobierno riba vacunacionnan obligatorio cu frecuentemente tabata basa

riba e necesidad pa proteha e comunidad escolar for di malesanan contagioso," el a bisa.

E audiencianan tocante e legislacion ta andante, cu varios

legislado primintiendo pa bringa e aprobacion como tambe e caso pendiente pa Burgos rechasando e rekisito pa uza tapaboca.

BIG 4

BO CHENS DI GANA MAS!

MULTI-X

FP x2 x3 x5

PICK 4	x2	x3	x5
Afl. 5.000,-	Afl. 10.000,-	Afl. 15.000,-	Afl. 25.000,-

PICK 3	x2	x3	x5
Afl. 700,-	Afl. 1.400,-	Afl. 2.100,-	Afl. 3.500,-

* Ora un bala FP sali y bo a match e numbertan, bo ta gana e premio y bo ta den wega atrobe!

Lotto
Cambando bala

www.lottoaruba.com

Partido Nashonal di Pueblo (PNP):

Bodycam pa oficialnan di polis ta sigura mas transparencia

(CuraçaoChronicle) - Partido Nashonal di Pueblo (PNP) ta boga pa oficialnan di polis haci uso di bodycam pa aumenta transparencia, particularmente durante operacionnan di polis na eventonan manera carnaval.

Parlamentario miembro di partido PNP, Sheldry Osepa, a trece dilanti e sugerencia aki den un carta cu algun preguntanan cu a manda na Minister di Husticia Shalten

Hato (MFK). Segun e corant di atardi, tin un aumento den agresion entre e ciudadanonan y miembronan di cuerpo policial. Adicionalmente, e ciudadanonan lo por beneficia mirando cu e conocimiento cu tin ekipo di grabacion presente por causa menos incidente di violencia tanto di parti di e ciudadano como e oficial.

Osepa su preguntanan tambe a primeramente enfoca riba gobierno. Entre otro, e

preguntanan a enfoca riba e duda si gobierno ta altanto di e bentahanan cu un bodycam por trece y si e implementacion di esaki ya caba ta bao consideracion.

Esaki lo por yuda determina si gobierno ya caba tabatin esaki na mesa of den bista. En todo caso, te ainda mester mira si gobierno lo tende di PNP su idea y contesta of implementa esaki of no.



Escasez di webo na Corsou a causa di aumento den turismo y produccion reduci

(CuraçaoChronicle) - E crecimiento di turismo na Corsou y un disminucion den e produccion di webo a resulta den un escasez significativo di webo riba e isla. Hotelnan local y restaurantnan ta experienciando un aumento, cual ta treciendo un demanda cu no por ser cumpli cu e stock actual.

E problema aki ta ser empeora pa e reduccion den produccion di webo local. Informacion inicialmente a señala na e condicionnan di clima como e causa principal, ademas di e ola di calor

cu a afecta e isla cual a causa e fayecimento di hopi galiña y awo esaki ta suplementa cu un splicacion hopi mas comprensivo.

Un di dos opinion for di un criado di galiña y productor di webo a indica cu tin un disminucion en general di produccion di webo. E causanan pa e reduccion aki te ainda no ta cla.

E aumento den turismo di Corsou, cu hotelnan nobo y negoshinan di hospitalidad habriendo, e impacto ta directo riba e mercado local di webo. Cumpradonan tradi-

cional manera supermarket, tiendanan y panaderianan tambe ta sinti e efecto di e escasez aki.

E problema ta cu e escasez di webo ta birando cada biha pio, specialmente den e industria di hospitalidad cu ta depende riba webo pa nan servicionan di desayuno. E mercado di Corsou, cual ta usa un averahe di 100,000 webo pa dia basa riba figuranan di algun aña atras, awo ta experienciando un cambio unda actividad di turista y produccion di webo reduci ta strobando e balans.

Miembro di Parlamento Hulandes ta haci pregunta tocante cuido di salud pa indocumentadonan na Aruba, Corsou y Sint Maarten

(CuraçaoChronicle) - Marieke Koekoek, Parlamentario Hulandes pa e partido politico Volt, a entrega preguntanan na e Secretarionan di Estado di Salud, Bienestar y Deporte, Interior y Relacionnan di Reino tocante acceso na cuido di salud pa indocumentadonan na Aruba, Corsou y Sint Maarten.

E preguntanan aki entrega dia 12 di februari tin e meta di mehora e situacion pa refugiadonan y indocumentadonan den e 3 paisnan cu ta parti di e Reino.

Den su prome pregunta, Koekoek ta referi na e reportahe di progreso di october ultimo, despues di un motion adopta cual ta pidi pa



e gobierno Hulandes tuma parti den e dialogo cu e organisacionnan cu no ta gubernamental manera Sala pa Tur, Venez y Fundashon Bos di Hubentut. E parlamentario kier sa na ki nivel e

discusionnan a tuma luga cu e organisacionnan aki dentro di e cuadro di e mocion mencionada.

E di dos pregunta ta enfoca riba e esfuersonan pa loke ta

trata cuido di salud y proteccion di menornan indocumenta y con e asistencia tecnico di Hulanda ta alinea cu esaki. Esaki ta enfatisa e importancia di acceso na cuido di salud pa e grupo vulnera-

bel aki. Miembro di parlamento Hulandes a sugeri organisa un forma structural pa e organisacionnan local involucra nan mes dentro di e 'Four-Country Healthcare Consultation'. E proposicion aki ta reconoce e rol crucial cu organisacionnan di sociedad civil ta hunga ora di provee cuido na individuonan y refugiadonan indocumenta.

Por ultimo, Koekoek a trece atencion na e accesibilidad y disponibilidad di medicamento pa HIV y otro malesanan contagioso dentro di e cuadro di cuido di salud na Aruba, Corsou y Sint Maarten. E pregunta aki ta enfatisa e necesidad pa haci cuido di salud pa individuonan indocumenta mas inclusivo y accesibel.

Awo VVD ta dispuesto pa forma parti di proximo Gabinete

(NLTimes)—VVD ta prepara pa participa den un gabinete extra-parlamentario, segun lider di partido Dilan Yesilgöz a bisa den un debate parlamentario tocante e caida di e discusionnan di formacion. Pa varios luna, e partido a insisti cu lo mas hopi cu e lo haci ta ofrece apoyo tacito na un gabinete centro-derechista. “Pa kibra e punto morto, mi lo bay dilanti, y mi ta puntra Sr. Omtzigt pa haci mescos,” Yesilgöz a bisa ayera, segun NOS ta reporta.

E ronda previa di discusionnan di formacion entre PVV, VVD, NSC y BBB a cay siman pasa ora Pieter Omtzigt y su partido a retira diripiente. El a bisa cu un falta di informacion tocante e finanzas di gobierno tabata e motibo pa

su retiro. Den su ultimo rapport riba e negociacionnan, lider di formacion Ronald Plasterk a bisa cu un gabinete mayoria di PVV, VVD, NSC y BBB ta parece imposibel na e etapa aki, pero e tabatin speransa tocante cooperacion den futuro entre e partidonan aki. E rapport a ser discuti den Tweede Kamer ayera.

The previous round of formation talks between the PVV, VVD, NSC, and BBB collapsed last week when Pieter Omtzigt and his NSC suddenly withdrew. He claimed a lack of information about the government finances was the reason for the withdrawal. In his final report on the negotiations, formation leader Ronald Plasterk said that a majority Cabinet of PVV, VVD, NSC, and BBB seemed impossible at this stage, but he was hope-



ful about future cooperation between these parties. That report is up for debate in the Tweede Kamer today.

Yesilgöz a bisa cu e tabata dispuesto pa papia tocante un gabinete extra-parlamentario, pero solamente cu participacion igual for di tur cuatro partido involvi den e fasenan previa di formacion.

El a yam’e un “stap dilanti” pa kibra e punto morto resultando for di e retiro di NSC. Sin e cooperacion di NSC, un gabinete di mayoria centro-derechista ta parece inalcanzabel.

Un gabinete extra-parlamentario generalmente ta basa riba un “programa di gobierno” cu e metanan general cu

e gabinete kier logra en bes di un “acuerdo di coalicion,” cual ta contene plannan concreto pa e termino di gobierno. E ta mas hala for di parlamento den e sentido cu e fraccionnan parlamentario no ta involvi den e proceso di formacion, y tin menos presion riba parlamentarionan pa apoya propuestanan di gobierno. E tipo di gabinete aki tambe por tin ministernan for di partidonan den oposicion.

VVD no ta bayendo bon entre su votadonan desde e eleccion parlamentario den november aña pasa. Mas cu mita di votadonan di VVD (53%) a conta I&O Research cu nan ta arepentí di no vota pa un otro partido, y aprecio pa Yesilgöz mes a cay significantemente. Den october, votadonan a duna e ex-lider di VVD un punto averahe di 6.4. Awo e ta na 5.1.

Mas cu 30 pais ta firma acuerdo nobo di crimen di guerra na Den Haag



(NLTimes)—32 pais a firma e Ljubljana nobo—e trato di Den Haag contra crimennan di guerra internacional. Cu esaki e lo ta mas facil pa paisnan traha hunto pa e buskeda, persecucion y extradicion di esnan acusa di genocidio, crimennan di guerra y crimennan contra humanidad.

E intencion ta cu crimennan asina no por keda sin ta castiga mas. “E lucha contra impunidad ta esencial pa paz, estabilidad, husticia y e regla di ley,” e trato ta bisa.

Secretaria di estado van der Burg a firma den nomber di Hulanda. E gobierno Hulandes tin un convencion halto riba e listanan di prioridadnan pa años y a tuma e iniciativa den 2011 por medio di crea un trato cu Belgica y Slovenia. Segun van der Burg, e areglonan actual riba asistencia legal y extradicion tabata “incompleto y anticua”, y p’esey un acuerdo nobo y mas efectivo tabata necesario. Paisnan mester traha hunto pa sigura cu “e crimennan di humanidad mas cruel no ta keda sin ta castiga.” E responsabilidad di persigui e perpetradoresnan lo keda cu e

cortenan nacional.

Silvia Fernández de Gurmendi di Argentina, presidente di e conferencia, a bisa cu e trato mester ser mira como un “toolbox practico” pa fiscalnan. El a bisa cu e acuerdonan ta complementa e Corte Internacional di Crimen en bes di reemplas’e. e por preveni, por chempel, un crimen di ser cometi den un pais, e victima bibando den un otro, y e perpetrador bibando den un tercer pais como un problema. E ora e por ta necesario pa paisnan traha hunto pa intercambia evidencia. Esaki no tabata facil den pasado, pero e mester bay mas miho cuminsa awo.

Casi 80 pais a acorda riba e contenido di e trato na mei aña pasa, cual awo ta ser firma ceremonialmente pa un grupo di 32 pais. E resto di e paisnan no a ser representa na Den Haag y lo firma riba un otro fecha. Entre esnan cua firma tabata paisnan for di e Union Europeo, Ucrania y Britania. Merca, Rusia y China no ta firmando e trato. Fernández ta satisfeco cu e cantidad di pais cua firma awo pero ta spera cu hopi mas pais lo participa tambe.

EXECUTORIALE VERKOOP (AUCTION)

PONTON 115 & 117

een perceel eigendomsgrond, 20.668M2, gelegen te Ponton in Aruba, kadastraal bekend als Eerste Afdeling Sectie K nummer 197.

Inzetprijs: Afl. 2.000.000;
Onderhandse biedingen niet mogelijk.

De openbare verkoop vindt plaats
eerst bij opbod en vervolgens bij afmijning op;

27 maart 2024, om 10:00 uur

ten overstaan van notaris mr. **C.M.A. Helmeyer**, notaris in Aruba,
in het auditorium van de Kamer van Koophandel en Nijverheid
aan de J.E. Irausquin Boulevard 10 in Aruba.

De veilingvoorwaarden zullen uiterlijk 8 dagen voor de verkoopdatum
beschikbaar zijn op het kantoor van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com

Crisis di inseguridad na Peru cu confiscacion di mas di 340.000 arma di candela

(Infobae) – Na Peru, ta calcula cu mas di 340.000 arma di candela no ta registra oficialmente, un hecho cu ta pone di manifiesto e creciente desafionan den materia di siguridad pa stop e circulacion ilegal di armanan na e pais.

E cifra a ser duna pa Victor Manuel Quinteros, ex-gerente di politica di Superintendencia Nacional di Control di Servicionan di Siguridad, Armanan, Municion y Explosivo di uso civil (SUCAMEC), loke ta reafirma e aumento basta significativo segun calculacionnan.

Na 2017, Small Arms Survey –fuente di informacion publico principal riba tur aspecto relaciona cu armanan chikito y violencia armata– calcula cu tabata existi aproximadamente 267.000 arma sin registro na territorio Peruano, un cifra cu, segun Quinteros ta indica, a experi-



menta un aumento considerable na 2024.

Estado Peruano ta enfrenta un crecemento di ilegalidad mas di shete aña despues di implementacion di Ley 30299, conoci como Ley di Armanan di Candela, municion, explosivo, klapchi y material relaciona cu uso civil. E problematica aki ta traduci den e aumento y desvio di armamento pa actividadnan delincuenciales, complicando e crisis di siguridad na e pais.

Di esey, specialistanan como Quintero ta enfatisa den urgencia di atende e problema aki debi na aumento di inseguridad.

E panorama alarmante aki ta evidencia no solamente pa circulacion di pistol y revolver sino tambe cu presencia di fusil AR-15, armanan di largo alcance y potencia eleva di candela cu a haya nan caminda den sector di mineria ilegal y den gruponan di crimen organisa di Peru y Ecuador.

Asina mes, a informa cu for di 2021, e importacion di fusil AR-15 ta bin experimentando un aumento exponencial, contando casi 2.000 unidad.

Tambe ta detaya cu personanan a adkiri cantidadnan grandi di e armanan aki, cu registro di comprasnan cu ta for di 32 unidad bay ariba, cu excuus di uso individual pa deporte of caza. E cifranan aki ta sugeri un uso potencial cu ta bay mas leu cu recreacion, lagando riba mesa dudanan

serio tocante e destino final di e armanan aki y nan impacto den siguridad publico.

Di acuerdo cu un investigacion reciente, forsanan di siguridad na frontera cu Peru ta enfrenta diferente dificultad pa descubri e rednan di apoyo logistico di organisacionnan criminal.

Pa e motibo ey, Hugo Espin ken ta un experto den materia, a señala cu ni Ehercito di Peru ni Polis Nacional a logra haya e origen efectivo cu por permiti corta e cadena di suministro ilegal di e gruponan aki, cu nan metodo emplea pa transporta armamento ta diferente y pa hopi biaha ta conta cu apoyo di comunidanan local.

Por ehemplo, ta comun cu nan ta sconde cargamento ilegal entre productonan manera frutanan of berdura, un proceso cu ta pone mas dificil e labor pa autoridadnan di por haya y captura e armanan.

Mexico: Reformanan di presidente critica como oportunismo electoral

(France24) – Presidente di Mexico, Andres Manuel Lopez Obrador, a manda un pakete di 20 reforma na Camara Baha pa nan analisis, debate y posibel aprobacion, cu iniciativanan cu ta abarca diferente area como electoral, laboral, sistema hudicial, entre otro.

Te awor, e iniciativanan a ser reparti den e diferente comision legislativo pa diputadonan por revisa nan y discuti nan viabilidad. E caminda ta bay ta largo, ya cu actualmente e partido oficialista Morena y su partidonan aliado no ta conta cu e mayoria necesario den ambos camara di Congreso pa aproba nan sin necesidad di negocia cu partidonan opositor.

E proposicion ta bisto pa analistanan como un wega politico y mediatico di e presidente Lopez Obrador faltando ocho luna pa e laga e presidencia, den pleno aña electoral y faltando un luna pa campananan cuminsa, na unda e candidato oficialista, Claudia Sheinbaum, ta bay competi cu opositor Xóchitl Gálvez pa wak ken ta bay bira Presidente di Republica.



Ademas e pakete di iniciativanan ta yega memey di acusacionnan pa supuesto financiamiento na su campaña presidencial di 2006 di parti di Cartel di Sinaloa.

“E reformanan cu mi ta propone ta busca establece derechonan constitucional y fortalece idealnan y principionan relaciona cu humanismo, husticia, honestidad, austeridad y democracia cu nos a postula y hiba den practica for di origen di e movimiento actual di transforma-

cion nacional,” e presidente a bisa ora a entrega e pakete di reformanan na Constitucion.

E contenido di e iniciativanan ta varia, ta resalta enfoked den debilitamiento di institucionnan publico, ya cu ta plantia elimina organismonan autonomo, manera Instituto Nacional di Transparencia, Acceso na Informacion y Proteccion di Datonan Personal (INAI).

Den materia electoral kier reduci e gastonan di eleccionnan, pa solamente lo ta

necesario 30% di participacion den un consulta popular pa ta vinculante y disminui e nomina legislativo, cu 300 diputado y no 500 manera ta awor, senadornan ta bay pasa di 120 pa 64.

Tambe ta plantia reforma e sistema hudicial cu huesnan, magistradonan y ministernan lo ser eligi cu voto popular y no cu concursonan publico manera ta ser haci cu apoyo di Congreso pa eligi e miho perfil.

Esaki a causa criticanan door

di organisacionnan manera International Chamber Of Commerce Mexico, ken den un comunicado a adverti cu algun reformanan ta vulnera e institucionnan responsabel pa combati corrupcion.

Den un intento pa purba elimina e marcanan di su antecesornan, presidente Lopez Obrador ta propone elimina e reformanan na sistema di pension cu a ser aproba na 1997 y 2007 pa ex-presidentenan Ernesto Zedillo y Felipe Calderón, respectivamente, cu e obhetivo cu tur Mexicano por haya na un pension digno.

E pakete di reformanan a ser celebra pa su siguidonan, ken ta destaca e corte social di iniciativanan, asina como e atencion pa sector vulnerable, na mesun tempo a ser critica pa oposicion y analistanan, nan ta considera cu e anuncio no tabata oportuno mirando cu ta den bispo di eleccion, ademas ta pone den tela di huicio e viabilidad di e proposicionnan y ta destaca cu no ta respecta e division di podernan debi cu ta metiendo den tareanan cu ta di Poder Hudicial y Poder Legislativo.

Argentina: Milei ta responde Kirchner su critica riba e plan economico

(infobae) – Javier Milei a responde Cristina Kirchner, ken ayera a publica un carta di 33 pagina cu critica pisa contra e presidente Argentino y e modelo economico y social cu La Libertad Avanza ta impulsando for di Cas Ros.

Principalmente, e hefe di Estado a haci referencia na e cuestionamento di e modelo eligi pa combati inflacion y a punta directamente contra e

argumentonan di e ex-vice-presidente, cualificando nan di “un precariedad conceptual grocero.” “Economia no ta un ciencia exacto, cu nos ta usa matematica no ta duna credito pa consider’e un ciencia exacto. Si bo stop di emiti, tardi of trempa bo ta bay extermina e inflacion. Pa mas cu Cristina Kirchner no gusta, inflacion semper ta un fenomeno monetario cu ta genera pa a oferta excesivo di



placa,” e mandatario a bisa.

Segun analisis di Milei: “Tur Argentino di bon a compro-

nde cu no por ta biba riba bo recursonan. Hende ta compronde cu mester haci un ahuste. E tema central ta ken ta paga. Anos ta dicide pa politica paga. Ta bon cu Congreso a anota. Tur a vota e DNU pero cu mi tin un problema: cu mi a toca e tongonan di politica. Hende sa cu ta bibando riba e posibilidadnan y cu mester haci un esfuerzo. Ora nos pone den ekilibrio e economia, ami no ta bay aumenta gasto.”

Colombia: CIDH cu yamado pa eligi fiscal general lo mas pronto posible y “sin interferencia”

(NTN24) – Comision Interamericano di Derechonan Humano (CIDH) a haci un yamado diamars ultimo pa eligi un fiscal general di Colombia “cu e mayor brevedad posible” pa evita di “debilita e sistema di husticia” y a adverti cu mester haci esaki “sin interferencia.”

Corte Supremo di Husticia (CSJ) a tene sesionnan pe eligi fiscal, pero debi na falta di acuerdo entre e magistradonan, e fiscalia general a keda bao un mandato interino for di dialuna ultimo.

Dia 12 di februari a termina e periodo di e fiscal general Francisco Barbosa, ken presidente Colombiano, Gustavo Petro a acusa di kier derok’e a traves di un investigacion tocante e donacionnan cu a haci un sindicato di trahado na su campaña.



Den un comunicado, CIDH ta insta Corte Supremo di Husticia “pa cumpli cu su deber constitucional y finalisa e proceso di seleccion di e persona titular di Fiscalia General di e Nacion, cu e mayor brevedad posible.”

Ademas, ta exorta gobierno di Petro pa “garantisa e condicionnan pa dicho proceso por culmina sin interferencia.”

E comision, parti di Organizacion di Estadonan Americano (OEA) ta afirma cu ta sigui e proceso di cerca y ta

adverti cu “e falta di designacion di un persona titular lo por debilita e sistema di husticia Colombiano.”

Pa esaki, ta haci un yamado “na tur estamento di Estado pa duna prioridad na institucionalidad democratico.”

Mester señala cu Fiscalia General ta eherce e accion penal, y por lo tanto, ta desempeña un papel fundamental den e lucha contra impunidad, acceso na husticia, y preservacion di democracia y estado di derecho na Colombia, segun CIDH ta recorda.

E falta di fiscal general na e pais Latino Americano a desata algun protesta. Decenas di simpatizante di presidente di Colombia, Gustavo Petro, a subi caya siman pasa na e ciudad, den un jornada den cual e magistradonan no por a sali di Palacio di Husticia pa motibo di blokeo.

Diahuebs di siman pasa a registra “71 movilizacion social na henter e pais cu, cu excepcion di momentonan di desorden na Bogota y Medellin, a keda cataloga como pacifico” pa estado, segun CIDH a afirma.

Haiti ta bisa cu ta trahando riba un acuerdo cu Kenya pa sigura un despliegue di polis hopi spera

(AP) — Gobierno Haitiano a anuncia diaranson cu ta trahando riba un acuerdo oficial cu oficialnan Kenyano pa sigura e lansamento hopi spera di un forza di polis for di e pais di Africa oriental.

Oficialnan di rango halto di ambos pais a reuni na Merca pa tres dia e siman aki pa prepara un memorandum of understanding y pone un deadline pa e yegada di e forza di polis di Kenya. E reunionnan tras porta cera a inclui oficialnan top di Merca y a tuma lugar algun siman despues cu un corte na Kenya a blokea

e despliegue, cu ta conta cu sosten di Nacionnan Uni, di polis di Kenya pa yuda Haiti combati un aumento den violencia di gang, bisando cu e despliegue ta inconstitucional.

No tabata inmediatamente cla si of con un memorandum of understanding lo por evadi e veredicto di e corte, cual presidente di Kenya a bisa cu ta bay apela.

Gobierno di Haiti a bisa den un declaracion cu tabatin “discusionnan intenso” pa trece un memorandum of understanding den cumpli-

mento cu e legislacion di ambos pais. “Un decision final riba e texto mester yega inicio di proximo siman como tambe su firma di ambos partido,” gobierno di Haiti a indica.

A bisa cu e negociacionnan a enfoca riba operacionnan di e mision, logistica y cumplimiento, como tambe vigilancia, ekipo rekeri y asuntonan di derechonan humano.

E despliegue tabata solicita pa prome minister Haitiano, Ariel Henry na october di 2022 y a ricibi aprobacion di Consejo di Seguridad di

ONU un aña despues. Pero desde esey a haya varios obstaculo legal mientras gangnan ta haci guerra na e capital Haitiano y mas ley y ta sigui escala.

Alto Comisionado di Na-

cionnan Uni pa Derechonan Humano, Volker Turk recientemente a nota cu mas di 800 persona a ser mata, herida of secuestra na Haiti na januari, mas cu tres biaha e cantidad compara cu e mesun luna na 2023.



Russell Brand ta nenga actriz su acusacion di agresion sexual



a consumi droga ni tampoco a consumi alcohol desde año 2002, bisando cu e tabatin 8 año limpi durante e tempo di e supuesto agresion.

Den documentonan, otorga pa su abogado Andrew Bretler, Russel ta bisa cu e muhe “no por distingui loke ta un actuacion y loke ta berdad.” E ta bisa cu su trabao tabata “actua manera un persona cu ta bebi, pero e no a bebe ni un druppel di alcohol ni tampoco a consumi ningun droga durante e tempo di produccion.”

Manera reporta anteriormente pa TMZ, e muhe cu ta acusando Russell actualmente ta demandando como un ‘Jane Doe’, a acusa cu prome cu e agresion e tabata “entoxica, tabata hole alcohol y tabata cargando un boter di vodka riba e set.” Segun Russell, e boter aki tabata parti di e articulonan di e pelicula y no tabata contene alcohol di berdad.

Segun e victima, Russell a

(TMZ) - Russell Brand ta nengando fuertemente acusacionnan cu el a bebe bira burachi durante grabacion y a sexualmente agredi un actris. Segun su persona, no tin manera cu e acusacionnan aki ta berdad pa motibo cu e no tabata bebi.

muhe riba set di grabacion di e pelicula “Arhtur” y despues a agredi su persona sexualmente den un baño.

Russell ta bisa cu e no ta corda e actris cu ta demandando su persona cu e supuesto incidente aki cu a tuma luga den año 2010 y e ta bisa cu henter e demanda ta depende riba e acusacion falso cu e tabata entoxica riba e set. RB ta bisa cu e tabata interpretando e papel di un persona bebi den e pelicula pero cu e no

Den documentonan legal nobo, obteni pa TMZ, Russell ta pusha back contra un demanda unda ta acusa cu el a expone su parti priva na un



sigui su persona den un baño mientras cu el a agredi su persona sexualmente pero Russell ta bisa cu esaki no ta berdad tampoco, bisando cu e victima su memoria ta “fayando.” E acusador ta acusa cu el a ser contrata pa traha riba e pelicula pa 3 dia sin embar-

go nan no a yama su persona back despues di e supuesto agresion cu a sosode durante su prome dia. Russell ta bis cu e no ta reconoce su persona ni pa su potret ni pa nomber y no ta corda di ningun interaccion cune.

Usher ta casa cu Jenn Goicoechea na kapel di Las Vegas



como Ron DeCar. Testigonan a inclui Jonetta Patton, Usher su mama. “Pabien na e recien casanan!” doño di e kapel Melody Willis-Williams a bisa den un declaracion. “Nos tabata sumamente contento di anfitrióna e dia epico aki pa Usher y su casa! Aunke nos ta stima amor, esaki ta e pareha su noticia pa comparti y duna cualkier detaye. Semper nos ta Usher su fanaticonan! Yeah!”

Usher, di 45 año di edad y



(AP) - Usher y su partner di hopi tempo caba Jenn Goicoechea a casa na Las Vegas oranan despues cu e celebridad a duna su presentacion na Super Bowl Halftime Show, segun oficialnan y documentonan. E persona cu a casa e pareha ta conoci pa su vestuario y imitacion di Elvis Presley.

E pareha a casa diadomingo na Vegas Weddings, segun e certificado di matrimonio cu a ser haci publico dialuna. E ceremonia a ser dunapa Rev. Ronald Joseph Polrywka, miho conoci localmente



Goicoechea di 40 año di edad tin desde año 2019 hunto y tin 2 yiu muhe. Un representante di Usher, Lydia Kanuga, a provee un declaracion riba diamars, confirmando e matrimonio. “Usher y Jennifer a tuma e siguiente paso den nan relacion y a casa diadomingo na Las Vegas rondona pa amigonan cercano y familiaran,” el a informa. “Ambos ta emocionan pa sigui cria nan yiunan hunto rondona pa amor y ta duna danki na tur hende pa e bon deseonan.”

DeCar no a responde na peti-

cion di informacin adicional cu su publicista informando cu DeCar ta nenga duna comentario. “Naturalmente nan a casa na Las Vegas,” Goya a comenta. “Cua luga por ta miho cu e ‘Capital di Matrimonio den Mundo?’”


E documento haci publico riba diahuebs ta nombra e pareha su nombrenan completo, Usher Raymond IV y Jennifer Jean Goicoechea. Esaki ta nota cu Usher tabata casa anteriormente mientras cu Goicoechea no.

Despues di a detene Venezolano y Colombiano na december
Awo a detene e Arubiano den caso di droga



Pa basta tempo e unidad di Crimen Organisa di polis (U.G.C.) tabata trahando riba un investigacion unda a detene un Venezolano y un Colombiano na december, awor despues di cu el a sconde pa husticia, ayera a logra gar'e y detene. Ta trata e Arubiano J. De La Cruz di 37 aña. E detencion a tuma lugar cu ayudo di e team di aresto. For di tempran nos reporteronan y colaboradornan a prepara y warda varios ora pa e detencion tuma lugar. E team di aresto a haci tur nan esfuerso pa impedi nos pa gara un imagen di e detencion pero asina mes cu tur obstruccion toch nos a logra.

Accidente pa falta di preferencia na Tanki Leendert



Diamars atardi a drenta informe di un accidente banda di Acropolis Plaza na Tanki Leendert, mesora a dirigi un patruya na e sitio. comprobe cu aki ta trata di un accidente unda cu e dama chauffeur di e Toyota Corolla no a para pa duna preferencia na e Chevrolet Captiva na man drechi. Afortunadamente ningun hende a resulta herida.

Na yegada di e patruya a bin

Candela den un cas na Monte Verde




Diaranson mainta tempran a drenta informe di un cas na candela na Monte Verde. Mesora a dirigi tanto polis como brandweer na e sitio. Na yegada di e patruya a bin comprobe cu aki ta trata di un candela cu a cuminsa den cushina. Na yegada di brandweer mesora nan a combati e candela aki. Afortunadamente ningun persona a resulta herida. Polis a tuma datos di e incidente aki.

Polis a bay pa dos turista bao influencia na Airport

Diamars anochi a pidi presencia di polis na Airport pa dos turista cu lo tabata bao influencia. Mesora a dirigi un patruya na e sitio.

Na yegada di e patruya a bin comprobe cu e turistanan lo a yega tres ora prome cu e vuelo y tambe tabata tin un retraso di cinco ora y lo a bebe un poco dimas. Na momento di aborda e capitán a nenga di laga nan bay riba e avion pa motibo cu nan lo tabata mucho bao influencia. Polis a bin na sitio



pa asina intermedia y e turistanan a haci un poco fastioso prome pero despues a comprobe y a bay keda na e hotel den cercania. Polis a tuma datos di e sucedido aki.

Polis y ambulance a bay na Renaissance pa un persona cu lo a bira malo



Diaranson madruga a drenta informe di un persona cu lo tabata actuando straño na Renaissance. Mesora a dirigi tanto polis como ambulance na e sitio. Na yegada di e patruya a bin comprobe cu aki lo ta trata di un local cu lo no por a hala rosea bon. Na yegada di e ambulance nan a atende e persona cu lo tabata hiperventilando. Polis a tuma datos di e sucedido aki.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Augustin Stamper

Pais Autonomo liberando nos pueblonan for di nacionalidad Hulandes (parti I)

Manera semper sin nunca falta respet na ningun hende den mi informacionnan, segun e factor tempo e unico factor den bida cu no ta gaña, ta keda constata cu definitivamente for di 10 di october 2010, e areglonan estatal "Pais Autonomo ta Liberando nos pueblonan respeta den Caribe Hulandes na Corsou, Aruba y Sint Maarten for di e nacionalidad Hulandes, Liberando nan for di e nacionalidad Hulandes pa masha motibonan fundamental."

Entre e tantisimonan: algun luna prome cu e Koninkrijksstatuut a cumpli 50 aña di existencia 15 di december 2004, den punto 2 di e rapport di 'Raad van Sate' e organo di conseho di mas halto den Reinado Hulandes 'Nu kan het nu moet het' di october e aña ey, a "bati alarma riba e autonomianan fundeshi di e Statuto". Ta di lamenta cu 'no' a acto e rapport aki den Caribe Hulandes. Prome cu batimento di e alarma aki, dia 17 di juni 2003, Prof. mr. Pieter van Vollenhoven como voorzitter di e 'comite 2004', relaciona cu cumplimiento di 50 aña Koninkrijksstatuut cu tabata na caminda e aña ey 15 di december 2004, den e programa di television NOVA, a declara: "Het Koninkrijk der Nederlanden is een fictie. Nederland zou alle zes Caribische eilanden behorende tot het Koninkrijk der Nederlanden, gemeenten moeten laten worden van Nederland."

Miles di rason e tabata tin y te cu awe ainda e tin na final di februari 2024. E a referi na "Volwaardige Gemeenten" debi na e hecho cu aki na Hulanda no tin bijzondere gemeenten. Ta keda constata pues cu e Koninkrijksstatuut ta un "Ficcion" pa masha motibonan fundamental. Entre otro e entidad "Nederlandse Antillen" te dia 10 di october 2010, "racionalmente" nunca a

yega di reconoce existencia di Koninkrijk der Nederlanden, semper for di introduccion di e Statuto 15 di december 1954, "semper Antias Hulandes tabata un entidad "ongrondwettelijk". Logico "inconstitucional" pa e hecho cu niun di nos 6 berdadero islanan ta ubica den un lama cu yama Antia of Antias, sino e lama cu ta carga e nomber oficial "Caribe".



"Europees en Caribische Nederlanders zijn beide gelijkwaardige onderdanen van het Koninkrijk der Nederlanden". E frase largo aki lo mester ta central y dominante den e Statuto, cual tan dolorosamente lamentabel no ta e caso.

Tur loke nos tin den nos relacionnan historico cu e berdadero pais Hulanda ta ficticio, hibando nos pueblonan principalmente di habla Papiamentu(o) leu atras den tur desaroyo. No tur cos cu ta briya ta oro. Pa duna e areglo estatal pais autonomo forsa den nos relacionnan cu Hulanda cu nunca tabata y no ta bon, a dicidi di haci nos Papiamentu(o) stima un idioma oficial pa compar'e cu entre otro e berdadero idioma Hulandes. Ta keda constata cu e idioma oficial aki ta ficticio pa masha motibonan fundamental, mescos cu e entidad Antias Hulandes semper tabata ficticio. Nos Papiamentu(o) stima nunca mag wordo compara cu Hulandes, Ingles, Spaño y tur e otro berdadero idioma na mundo. Logico cu no pa e hecho cu e ta severamente pover na palabranan.

Pa no yama nos Papiamentu(o) stima un dialecto di e berdadero idioma Spaño, debi na e hecho cu mas di setenta porshento di su palabranan ta sea adopta of adapta di e berdadero idioma Spaño. No ta un wega emocional cu ta hiba nos leu atras den tur desaroyo, sino un tan penibel realidad di bida cu tin mas di 300,000 palabranan di e berdadero idioma Hulandes

cu no, "no" ta "existi" den "nos Papiamentu(o) stima". Kiermen cu ta mas cu logico cu nos Papiamentu(o) stima ta sea un "lenguahe" of un "vocabulario", maske e tin un bon gramatica, den niun sentido di palabra e por ta un Idioma oficial manera e Hulandes si ta, cual ta consisti di "mas di cuatro shen y trintiocho mil palabra". ta mas cu logico cu ningun cientifico na mundo por haci "investigacionnan cientifico" pa cu "nos desaroyonan humano riba es planeta aki", "via dominio di nos Papiamentu(o) stima". Pa e hecho aki niun ser humano na mundo mag ta convenci of pretende cu nos Papiamentu(o) stima ta un idioma oficial pa den es "mundo extremadamente dificil aki", "no" – "perhudica destino di nos propio pover criaturanan nasi cu e nacionalidad Hulandes den Caribe Hulandes".

Ta un nacionalidad so nos tin, for di 10 di december 1948, fecha historico cu Politiek Den Haag a pone un "fin" na e "epoca colonial di e berdadero pais Hulanda" via e tratadonan internacional di cu y pa cu nos derechonan humano acorda cu Nacionnan Uni, e berdadero idioma Hulandes a bira "bida di nos sagrado derechonan y rikesanan Hulandes" via e tratadonan internacional menciona. Kiermen ta mas cu logico cu for di e fecha historico menciona pa henter nos humanidad aki na tera tres aña despues di segunda guerra mundial, e "idioma Hulandes mester pero mester ta central y dominante riba tur terenonan di scol den Caribe Hulandes". Anto for di e fecha menciona 10-12-1948, nos lenguahe stima Papiamentu(o) mester ta den nos ramonan di enseñansa pero como "vak" y "logico" – "nunca como idioma di instruccion pa no hiba nos propio yiunan di tera nasi cu e nacionalidad Hulandes leu atras den tur desaroyo". Ta masha imposibel cu mundo ta cuminsa y ta caba riba nos



tres berdadero islanan stima Corsou, Aruba y Boneiro di habla Papiamentu(o). Tur ta chikito, un mas chikito cu otro, tur "severamente pover na materianan prima". Hopi berdadero paisnan masha rico mes na materianan prima, Venezuela por ehempel, anto su pueblo respeta ta di e categoria terciarmundista, esta "pover".

Ta cu e berdadero idioma Hulandes so, nos pueblonan den Caribe Hulandes por haci uzo di nan sagrado derechonan Hulandes, no via Ingles, Spaño, Frances y otronan y sigur no via nos lenguahe Papiamentu(o). Papiamentu(o) via e areglo estatal pais autonomo ta destila pa nos pueblonan respeta cumpli cu debernan

so, sin ningun derecho fundamental, sigur no derechonan Hulandes. Asina nos tan doloroso realidad di bida den es mundo extremadamente dificil aki ta hinca den otro. Ta mas cu logico cu debernan so sin ningun derecho fundamental, den presencia permanente di satanas, su presencia permanente cual tan dolorosamente lamentabel ta totalmente desconoci den Bijbel y mucho mas pio ainda, bou henter nos humanidad akinan pafo di shelo, e cu ta radical contra pa paisnan rico parti nan inmenso rikesa cu pueblonan pover na mundo, den "fabor di Dios Creador" kende a crea tur bida aki na tera den pas!



Chispa di candela di palet a bula bay pega di 2 piso di palo na candela

Diamars mainta a drenta informe di cu tin un cas na candela na Weg Sero Blanco, mesora a dirigi bomberonan na e sitio.



Na yegada di e prome unidad a bin constata cu aki ta trata di un cas abao di bloki cement y ariba (di 2 piso di palo) y e parti aki lo a pega na candela despues di cu palet tabata ser kima na e parti patras di e cas y e chispanan di candela a pega e palonan na candela y e piso ariba cual ta full di palo a kima por completo mientras e parti abao a sufrí daño di awa. Polis tambe a presenta y a traha un rapport di e sucedido.

Turista crucero a bira malo y a accidenta coriendo Segway na Malmok y a resulta herida

Diamars atardi a drenta informe di un incidente cu hende herida y benta memey di caminda na Malmok, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un turista crucero cu lo a bira malo coriendo un di e Segwaynan y a dal abao. Na yegada di e ambulance nan a haya e turista poco bruha y a atende y transporte pa un control mas extenso na hospital.




Polis a detene chauffeur burachi cu a causa un accidente na Macuarima



Dialuna anochi a drenta informe di un accidente riba e caminda principal na Macuarima, mesora a dirigi un patruya na e sitio.

Na yegada di e patruya a bin compronde cu aki ta trata di un accidente entre un Nissan March y un Chevrolet Spark unda e chauffeur di e Nissan March no a regula su velocidad ni mantene su distancia a bay dal tras di e Chevrolet Spark. Polis a nota cu e aliento di e chauffeur ta hole na alcohol, su wowonan tabata cora y tabata papia cu lenga pisa. E chauffeur a ser pidi pa sali for di e auto pa haci e test, ademas polis a nota cu e no por a para stabiel riba su pianan. E resultado ta cu el a surpasa e limite y a keda deteni pa a core auto bao influencia y causa un accidente. Afortunadamente ningun hende a resulta herida.

Chauffeur no a regula su velocidad ni a mantene distancia a bay dal tras di e auto su dilanti



Diamars atardi a drenta informe di un accidente na Palm Beach, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Toyota Yaris no a regula su velocidad ni a

mantene distancia a bay dal tras di e auto su dilanti. Afortunadamente ningun hende a resulta herida.

Tres detencion despues di pelea na entrada di Harbour Arena

Diadomingo anochi despues di e parada a surgi 2 pelea banda di Harbour Arena, un pelea tabata entre hombernan y e otro entre muhe.

Polis a detene un di cada un ademas a detene un otro muhe mas pero esey ta pa a insulta polis.



Pelea grandi banda di busstation na Oranjestad pero tur hende a "split" ora polis a yega

Diadomingo anochi a drenta informe di un pelea formal banda di busstation na Oranjestad, mesora a dirigi patruyanan pa e sitio.

Pero na yegada di polis tur hende a core bay den diferente direccion.



Polis a baha tur hende fo'i auto y scual nan pa pleitamento den auto na Klipstraat

Diadomingo anochi despues di e parada polisnan patruyando den Klipstraat a nota pleitamento den un auto, mesora nan a baha tur hende for di

auto y a hala atencion di tur bisando nan pa stop di pleita sino nan tur lo bay ser deteni.

Mesora e ambiente di pleito

a termina despues di a tende polis tur a calma subi den auto manera nada no pasa y nan a bay cas.



Polis a detene un persona cu no kier a sigui ordo di polis y cu a corta su man cu boter di glas

Diadomingo anochi despues di e parada na altura di parlamento polis a duna un hoben instruccion pero el a

neglisha esaki y a ser deteni.

Pero ademas di su detencion e tabata tin un corta na su

man door di un boter di glas kibra. Mientras un ambulance tabata pasando polis a para esaki pa atende e detenido herida.


Polisnan a detene un otro chauffeur burachi banda di rotonde Sero Blanco

Diadomingo anochi polis durante controlnan a topa cu un otro chauffeur basta burachi.

Pa e seguridad den trafico, su mesun seguridad y di otro nan polis a detene y a bay warda cune.



Expertonan ta adverti cu atakenan cibernetico contra hospitalnan ta hopi probabel di aumenta



(AP) - Expertonan cibernetico ta adverti cu hospitalnan rond di mundo ta den riesgo di atakenan manera esun cu ta strobando operacionnan na hospital di mucha Midwestern, y cu Merca su gobierno no ta haciendo suficiente trabao pa preveni e tipo di atakenan aki.

Hospitalnan den añanan recien a cambia nan uso di

tecnologia online pa sostene tur cos for di telesalud te na dispositivonan medico pa tin recordnan di e pashentnan. Awe, nan ta un victima faborito pa ladronnan di internet cu ta wanta data y rednan como rehen y ta pidi cantidadan grandi pa los esaki, John Riggi, consehero di American Hospital Association su siguridad cibernetico a expresa.

“Desafortunadamente, e

consecuencia di e uso di tur e rednan y tecnologia conecta na internet aki ta cu e ta expande nos base digital cu por ataca,” Riggi a splica. “Esaki ta duna e criminalnan hopi mas oportunidad pa penetra nos rednan.” E criminalnan hopi biaha ta opera for di enemigonan Mericano manera Rusia, nort Korea y Iran, unda nan ta ricibi pagonan grandi pa nan victimanan y ta enfrenta tiki chens di por ser

castiga.

Den november, un atake ransomware riba un cadena di cuidu di salud cu ta opera 30 hospital y 200 facilidad di salud na Merca a obliga dokternan nenga pashentnan di sala di emergencia y pospone operacionnan. Mientrastanto, un hospital a anuncia cu nan lo cera permanentemente na Illinois pa motibo cu nan no por a recupera financieramente for di un atake cibernetico. Y e hackernan a bay

asina leu cu nan a publica potretnan di informacion di pashent y potretnan di cancer di pecho cu tabata ricibiendo tratamiento na un red di salud na Pennsylvania despues cu a hack e sistema aña pasa.

Awo, un di e hospitalnan top di mucha den e pais a ser obliga di baha offline su sistema di record di telefon, record medico y email mientras nan ta bataya contra un atake cibernetico cu segun FBI nan ta investigando.

Microsoft ta bisa cu rivalnan Mericano a cuminsa usa AI den operacionnan cibernetico



(AP) - Microsoft a bisa diaranson cu enemigonan Mericano, Manera Iran y Nort Korea of Rusia y China, a cuminsa usa AI pa crea of ehecuta operacionnan cibernetico ofensivo. E gigante di tecnologia a bisa cu nan a detecta y intercepta, den colaboracion cu partner di negoshi OpenAI un menasa cu a usa of a purba di explota tecnologia di AI cu

nan a desaroya.

Den un publicacion, e compania a bisa cu e tecnicanan tabata “den etapa di comienso” y no ta ni “particularmente nobo ni unico” pero si cu ta importante pa expone nan publicamente como rivalnan di Merca cu ta haciendo uso di modelonan di lenguahe grandi pa amplia nan habilidad di drenta rednan y conduci operacionnan

di influencia. Agencianan di siguridad cibernetico tin hopi tempo ta usa e mashinnan aki riba defensa, principalmente pa detecta comportamiento fuera di lo normal den rednan. Sinembargo criminalnan y hackernan maligno tambe ta haci uso di esaki y e introduccion di modelonan di lenguahe grandi lidera pa OpenAI su ChatGPT a mehora e wegá aki.

Microsoft a inverti biyones di dollar den OpenAI y diaranson su anuncio a concidi cu e lamnsamento di un reportahe cu ta nota cu e AI generativo ta premira di aumenta ingenieria social cu mal intencion, cual lo causa deepfake y clon di bos mas sofisticada. Un menasa na democracia den un aña unda mas di 50 pais lo causa eleccion, empeorando mal informacion cu ya caba ta tumando luga.

Den un publicacion separa

diaranson, OpenAI a bisa cu su model actual ta ofrece “capacidadnan pa atakenan cibernetico malicioso mas di loke ya caba ta publicamente disponibel limita.” Sinembargo e expertonan di siguridad cibernetico ta anticipa cu esaki lo cambia. April ultimo, e director di U.S. Cybersecurity and Infrastructure Security Agency Jen Easterly a conta Congreso cu tin “dos desafio y menasa. Un ta China y e otro ta Inteligencia Artificial.”



Bailadonan riba ijs Torvill y Dean ta regresa na Sarajevo riba e di 40 aniversario di nan victoria na Weganan Olimpico den Winter

(AP)—Bailadonan riba ijs Jayne Torvill y Christopher Dean a ricibi un bon bini caluroso mientras nan a regresa na Sarajevo pa marca e di 40 aniversario di nan presentacion ganador durante Weganan Olimpico den Winter.

Torvill y Dean a patina hunto ayera nochi durante un evento celebrando e legado di e Wega Olimpico di año 1984. E aniversario ta “un ocasion asina special,” Torvill a bisa. E duo a haci un yamado na nan espectadornan pa bin bisti den biña, e color di e disfraznan cu nan a bisti na 1984.

Net prome cu nan apariencia na Sarajevo, Torvill y Dean a conta un agencia noticiero Britanico cu nan lo retira for di presentando hunto otro año den shownan despues di e tour Britanico. “Sarajevo tabata un gran parti di un bida,” Dean a bisa. “Ken lo por a pensa cu 40 año pasa nos lo



t'ey back awe celebrando e evento ey pero cu memorianan bunita y e spirito di e Weganan Olimpico y e ambiente caluroso di hende. Y nos ta sinti esey atrobe awe, 40 año despues.”

Nan presentacion a habri pa un competencia di patinahe artistico cu a tuma luga pa marca e aniversario. Esaki a sosode den e pista cu a anfitriona hockey durante e Weganan Olimpico.

Bailando na e melodia di “Bolero” di Ravel, Torvill y Dean a gana e medaya oro na 1984 cu un rutina romantico y expresivo cu a caba den ambos drumiendo riba e pista den un pose dramatico. E duo Britanico a traha caminda nobo pa bailamento riba ijs por medio di aleha for di e origen di e deporte den baile ballroom y e estilo influencia pa ballet di e Union Sovietico.

Nan a gana cu un record di diesdos 6.0 for di e huesnan, incluyendo puntonan perfecto for di tur nuebe hues den impresion artistico. Nan tabata e prome duo pafu di e Union Sovietico pa gana un oro medaya den baile riba ijs. Despues di un descanso for di bailamento riba ijs competitivo, e tempo ey un deporta nobato, pa sigui cu careranan di patinahe profesional, Torvill y Dean tambe a gana un medaya brons na e Weganan Olimpico 1994 na Lillehammer.



Mericanonan Curzan y Armstrong ta tuma e spotlight na World Aquatics Championships



(AP)—Cu algun di e atletanan mas grandi di Merca kedando cas, Claire Curzan y Hunter Armstrong a tuma e spotlight durante e World Aquatics Championships diamars. Curzan a gana un medaya oro den e women's 100-meter backstroke na e Apire dome, mientras cu Armstrong a sigui algun minuut despues cu un victoria den e men's 100 back.

Merca ta liderando e mesa di natacion cu cuatro medaya y ocho medaya overall durante e prome tres dianan di com-

petencia na Doha. Diamars tambe, Simona Quadarella di Italia a gana un otro titulo mundial den e women's 1,500 freestyle, Hwang Sunwoo a duna Sur Korea su segunda oro individual di e campeonato cu un victoria den e men's 200 freestyle, y Tang Qianting di China a gana e women's 100 breaststroke.

Curzan (19), ken ta competi na University of Virginia, a tuma e prome titulo mundial individual di su carera. El a beneficio for di e ausencia di campeon actual Kaylee McK-

cown di Australia y Mericano Regan Smith, ambos ken a perde e campeonatonan aki pa enfoca riba e Weganan Olimpico na Paris.

Curzan a gana den 58.29 seconde—mas slow compara cu e tempo ganado di McKcown (57.53) año pasa na e campeonatonan mundial na Fukuoka. E medaya plata a

bay pa Iona Anderson di Australia (59.12) y Ingrid Wilm di Canada (59.18) a haya e brons.

Armstrong a bons back for di un confusion durante e semifinalnan, unda el a landa den e lane incorrecto, pa gana den 52.68. Despues di acepta un brons den e 100 back na e ultimo dos campeonatonan

mundial, nativo di Ohio awo tin un oro.

Armstrong a wanta Hugo Gonzalez di Spaña leu, su partner di training na Cal. E dos a brasa otro despues cu Gonzalez a tuma e plata na 52.70. e brons a bay pa Apostolos Christou di Grecia na 53.36.



Vereniging Rijscholen Aruba ta bay duna un charla na Centro di Bario Brazil

Vereniging Rijscholen Aruba (V.R.A) recientemente a cuminsa duna charla riba trafico den diferente bario y ta dialoga cu pueblo, pa scucha locual esunnan cu atende e charla tin di bisa tambe. Asina di otro banda V.R.A tambe ta siña hopi di e poblacion. Esunnan cu presenta na e charla por haci varios pregunta di cual pa e V.R.A esey ta e meta.

Durante di e charlanan den diferente bario, algun di e preguntanan mas frecuente cu ta wordo haci ta tocante di rotonde, unda cu tin bastante disgusto riba con cierto automobilista ta core riba



rotonde. "Hopi hende no ta compronde e reglanan cu tin riba rotonde, principalmente di duna señal". Tin hopi pregunta tambe riba seguro y riba asuntonan relativamente

nobo, manera autonon y e bicicletanan electrico.

Locual tambe hopi hende no sa y cu ta un preocupa grandi, ta: tin casonan caminda cu e bateria di autonon y bicicletanan electrico cu por produci candela. p.e. si no carga e baterianan aki como debe ser. Y segun resultadonan e tipo di candela aki bo no por page djis asina. Durante e charlanan lo duna tur tipo di informacion valioso y preventivo.

E proximo charla di Vereniging Rijscholen Aruba ta bay ta na Centro di Bario Brazil, riba 22 di Februari di 7'or te cu 9'or di anochi.

Pa mas informacion por yama presidente di C.B.B. Sra. Inky na 5934453.

Resultado Sorteo
14 februari

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
0466	4727	9979	7629
2977	7939	SUPER5	5984
9921	3982	-	1855

MERDIA	ANOCHI	
<p>Sorteo # 4181</p> <p>3183</p> <p>2521</p> <p>5218</p> <p>X5</p> <p>Sorteo # 4181</p> <p>3728</p> <p>X2</p> <p>Sorteo # 2237</p> <p>6824</p> <p>Sorteo # 4181</p> <p>1495</p> <p>Aries</p> <p>Sorteo # 1055</p> <p>135</p>	<p>Sorteo # 8170</p> <p>3986</p> <p>1820</p> <p>6187</p> <p>FP</p> <p>Sorteo # 7214</p> <p>8790</p> <p>X2</p> <p>Sorteo # 1919</p> <p>6778</p> <p>Sorteo # 5973</p> <p>4148</p> <p>Cancer</p> <p>Sorteo # 903</p> <p>158</p>	<p>Sorteo # 2467</p> <p>0 x Jackpot</p> <p>0 x Match 4+</p> <p>6 x Match 4</p> <p>161 x Afl. 12,00</p> <p>Joker 5 Letter B</p> <p>Proximo Jackpot</p> <p>425.000,-</p> <p>Sorteo # 6387</p> <p>0 x Jackpot</p> <p>5 x Match 4</p> <p>121 x Afl. 8,00</p> <p>Proximo Jackpot</p> <p>64.000,-</p> <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p> <p>Mega Ball</p> <p>Proximo Jackpot</p> <p>500.000,-</p> <p>Afl. 700.000,-</p> <p>Sorteo #</p>

S.V. Bubali reunion general 2024 ta tuma lugar 21 februari 2024 na BSC

Pa medio di e comunicado aki directiva S.V. Bubali ta recorda tur su miembronan pa ALV 2024. Pa es motibo Directiva ta invita bo (so) persona pa un reunion general 2024 cual lo tuma lugar diaranzon 21 februari 2024 pa 7:00pm na Bubali Sport Club.

Presidente lo habri e reunion pa 7:00pm y den caso cu no tin quorum lo sera e reunion y habri e reunion bek riba e mesun dia pa 7:30pm. Si pa 7:30pm no tin quorum reunion ta sigui normal y tur decision lo ta valido. Puntonan di agenda: 1. Apertura; 2. Aprobacion Notulen ALV 2023; 3. Palabra di Presidente; 4. Relato di Secretario; 5. Relato di Tesorero; 6. Informacion FBSC; 7. Eleccion di Presidente; 8.

Eleccion di demas miembro nan pa directiva; 9. Plannan pa 2024; 10. Turno liber; 11. Clausura.


Directiva ta informa tur mayor, miembro, personan cu tin Bubali na curazon y personan cu no ta miembro y kier bira miembro y juda den directiva, comicion, voluntario of kier train un team di muchanan pa futbol, por tuma contact cu un miembro di directiva. Pa por postula pa President of miembro directiva mester ta por escrito ultimo dia pa por hasi peticion ta 18 Februari 2024 via e-mail na svbubalisportclub@gmail.com of bubali@avbaruba.com. Nos ta pidi tur miembro pa bin pa pone nan miembrecia al dia asina pa por tin derecho di voto.

King Classic Sudoku

8	1		2	8	7	5
	9	7				
3	5		1	4		8
	8	5	1			2
	7	2			4	
	9	2		3	7	5
6	1				9	

Difficulty: ★★★★★

© 2023 King Features Syndicate, Inc.



Dokter na warda

Oranjestad San Nicolas
Hospital Imsan
 7:00 pm / 10:00 pm **24 ora**

Botica na warda

Oranjestad: San Nicolas:
 Sta. Cruz Centro Medico
 Tel. 585 8028 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.
 Tel: 582 2116/582 2010

Taxi Adres Services (24h)
 Tel. 587 5900

A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610

F A V I

Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

**Fundacion Autismo
 Aruba**

Irenestraat 21 Aruba
 297-588-1179

**Fundacion Pa Nos
 Muchanan**

Cumana 2 Aruba
 297-583-4247

**Fundacion Tel Pa
 Hubentud**

Wilhelminastraat 19
 Aruba
 297-588-6138

**Koningin Wilhelmina
 Fonds**

Spinozastraat 9 Aruba
 297-582-0412

Mary Joan Foundation

Sabana Blanco 8 Aruba
 297-588-9999

Rode Kruis Aruba

Pedro Gallegostraat 14
 Tel.297-582-2219
 Fax 588-3376

Famia Planea (SBVO)

Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.com

**Stichting Fundacion
 Guia Mi**

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group

Sabana Liber #8, Noord
 (close to the hotels)
 Tel: 736-2952 or
 593-7081

Un biaha mas lo celebra Dia Internacional di Hende Muhe den grandi

Dia 8 di maart proximo, ta Dia Internacional di Hende Muhe. Un dia importante, un dia cu internacionalmente Nacionnan Uni a decreta como dia di hende muhe, pa para keto na e posicion di hende muhe rond mundo.

Prome Minister Evelyn Wever-Croes a expresa cu ainda por sinti e diferencia den hende homber y hende muhe, y ainda tin paisnan cu tin diferencia den derecho pa hende homber y hende muhe. Esaki sigur por a wordo nota mas ainda durante e pandemia, na unda por a nota, cu ta e hende muhenan mas tanto a sacrifica pa keda cas ora e muchanan no tabata tin scol, of nan mester a cambia di trabou, y/of traha menos ora.

Prome Minister a splica cu na Aruba tin hopi hende muhe cu a progresa, y por nota tambe, cu hopi posicion clave ta wordo ocupa pa un ser femenino. A pesar di esaki, aunke no tanto visibel, ainda tin diferencia entre e ser femenino y masculino, specialmente na salario y trato. Tambe, por nota e diferencia den posicionnan di liderazgo di pais Aruba, na unda cu den un total di 8 minister, tin dos cu ta femenino (25%), y den Parlamento, di 21 Parlamentario, tin 8 hende muhe (38%). E porcentahenan abou aki, sigur tin un efecto riba decisionnan, na unda ta importante pa tuma na cuenta e necesidad y deseonan di hende muhe, cu mester wordo tuma. Si Aruba ta desea pa tene na cuenta e deseonan di hende muhe ora di tuma decision, ta importante pa hende muhe ta na mesa como parti di e esnan cu ta tuma e decisionnan.

“P’esey ta importante pa riba Dia Internacional di Hende Muhe, para keto un rato y wak con hopi e ser femenino a progresa, pero tambe con hopi falta pa por logra tur loke mester logra”, Prome Minister a expresa.

Prome Minister a indica, cu pa logra haya hende muhe yega na mesa di decision, lo mester inverti, pa asina yega na un punto, cu ora un hende muhe den posicion clave retira, ya caba tin un fila di hende muhe, cla pa asumi e posicion. Esaki sigur ta im-



portante pa mundo por ta mas exitoso, y pa tin un desaroyo duradero. Cu esaki, mundo lo por sigura cu awor y den futuro, e bos di hende muhe lo sigui wordo scucha.

E aña aki, un biaha mas nos ta extende un invitacion na tur e sernan femenino pa hunto nos celebra Dia Internacional di Hende Muhe. E evento aki lo ta dia 8 di Maart, di 8 am - 12 pm, y entrada lo ta gratis. Pa tur esnan interesa, lo mester registra y e link di registracion lo wordo publica durante e siman benidero. Por cuminsa reserva e fecha, pa asisti na un mainta yena cu celebracion di nos como

hende muhe. Un mainta di analisis y reflexion di unda nos ta para awe, y unda nos kier yega.

E tema di e aña aki ta Inspira Inclusion di Hende Muhe. Nos ta haciendo un encuesta, di con hopi e hende muhe ta sinti su mes inclui aworaki, pa asina wak di e perspectiva di hende muhe y homber, kico mas mester wordo haci. E resultadonan lo wordo comparti durante e conferencia. Cu e informacion aki, nos lo celebra, refleha, y prepara kico mester wordo haci aki na Aruba”, Prome Minister a expresa.

Pronostico di tempo

Tempo:

Awe tardi y awe nochi: parcialmente nubla y generalmente seco
 Den marduga y mañan: parcialmente nubla cu un posibel awasero pasahero



Temperatura maximo 32 grado Celsius
 Temperatura minimo 26 grado Celsius
 Indice di calor (heat index) den y rond di oranan di merdia: 33 pa 38 grado Celsius
 UV index: 8

Bahada di solo : 6:45 pm
 Subida di solo : 7:02 am.

Biento:

Moderata te basta fuerte for di direccion oost;
 Forsa 4 te 5 (20 te 39 km/ora, 11 te 21 nudo).
 Durante di dia fuerte te duro den rafaga;
 Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:

Extension di un area di presion halto riba Atlantico ta sigui ta e factor dominante di clima den region, sosteniendo un biento modera

te fuerte y duro den rafaga. Debi na un masa di aire seco y stabiel, un clima generalmente seco lo domina. Di otro un banda por bisa cu stof fini di Sahara lo sigui stroba e visibilidad y afecta e calidad di aire den region. Personanan cu tin alergias respiratorio mester tene cuenta cu esaki.

Condicionnan maritimo/estado di lama:

Na partinan protegi di costa: keto, rond di 1 pia.
 Na partinan zuid: trankil te modera, entre 2 pa 3 pia.
 Na partinan oost te noordwest di costa: modera te localmente poco bruto cu olanan di 5 pa 6, localmente 7 pia

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Amita resurreccion y bida; esun cu kere den mi, lo biba hasta si e muri". Huan 11:25

Cu inmenso dolor na nos curason, pero conforme cu Dios su boluntad; nos ta participa fayecimento di nos amor eterno:



Sra. Arminda E. Nectar-Solognier
*27-09-1945 †10-02-2024

Na number di su:
Casa: Alwin R. Nectar
Yiunan: Charlene Nectar
Brigitte Hosé Nectar y esposo Aaron Hosé
Zuleika Schenk-Nectar y esposo Tejo Schenk
Nieto: Aiden Schenk
Nieta: Zoë Schenk
Rumannan: Louisa Brahinga y yiunan Fabia Romero y yiu Marina Odor
Rufu Solognier, esposa Mary y yiunan Filomena Solognier Cobito y yiunan
Cuñanan y swa: Erna Solognier y yiunan Solognier y yiunan Yolanda Solognier y yiunan Eugene Nectar
Rudolf Nectar, esposa y yiu Carlos Nectar, esposa y yiu Frederik Nectar, esposa y yiu Willem Nectar
Eveline Nectar

Oportunidad pa condolencia lo ta Diabierna 16 di februari 2024 na Aurora Funeral Home for di 7 pm pa 9or pm

Acto di entiero lo tuma lugar Diasabra 17 di februari 2024, na Misa Imaculada Concepcion na Santa Cruz for di 9or pa 11or di mainta, despues lo sali bai pa santana Catolico na Santa Cruz.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señora ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil. Pa mi bolbe haya forsa. Salmo: 23

Cu inmenso dolor na nos curason pero conforme cu Dios su boluntad nos ta participa fayecimento cristianamente di nos Mama, Wela, Bisawela, Ruman



Catalina Geerman
mihor conoci como "Katrien"
*18 mei 1938 - †10 feb 2024

Na number di su yuinan:
Judith van Dinter y yuinan
Richard van Dinter
Stella van Dinter y yuinan
Jacqueline van Dinter y yuinan
Robert van Dinter y yuinan
Anthony y Mari Geerman y yuinan
Gilbert Gregory y Soraima Geerman-Geerman

Nieto (a) nan:
Minelly, Celeste, Anwar, Brandon, William, Isabel, Nicole, Roxanne, Mourit, Vincent, Lorena, Thalia.

Bisanieto (a) nan:
Daley, Daylen, Kenia, Malaky, Kyanlah, Akilah, I-Jaheem, Sophie-Marie, Eva-Marie.

Rumannan:
†Francisca y †Jose Semeleer-Geerman y famia
†Rosalinda Geerman y famia
†Alexander y Vera Geerman-Jansen y famia
Elizabeth Geerman
Pedro y Dolores Geerman-Maduro y famia
Matilda Geerman
Clara Geerman y famia
Facundo Geerman y Barbara Everon y yui
†Benito Geerman

Demas Famia: Geerman, van Dinter, Navas, Kelly, Cruz, Quiroga, Rodriquez, Chacon, Balzouman, Ippel, Solognier, Dos Santos, Semeleer, Jansen, Maduro, Falconi, Boekhoudt, Giel, Dirks, Wong, Van der Hoeven, Everon, Croes, Bitik, Deerenberg, Broks, Fernandes Pedra, Fortin, Vrolijk.

Un danki special na Stichting Cas di machi, sra Leidy y sra Cristina.

Ta invita pa e acto di entiero cu lo tuma lugar diabierna 16 di februari 2024 na misa Inmaculada Concepcion di 09:00 pa 11:00 am, despues lo sali pa Santana catolico na Sta Cruz

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Laga tur locual, cu ta sperami ta bunita. Laga tur locual, cu mi encontra na caminda ta bunita. Laga tur locual, cu ta rondonami ta bunita. Laga tur locual mi laga atrás keda bunita. Y laga esakinan termina den tur bunita."

Cu inmenso tristeza den nos kurazon, pero conforme ku Dios su boluntad nos ta anuncia fayecimento di nos defunto stima:



Edwin Herman Adonis
Mihor conoci como "Eddie"
Ridder in de orde van oranje
Miembro honorario tanto di Marlboro Baseball Club,
Centro di bario y Deporte Dakota

Na number di su:

Esposa: Ann Adonis Bommel
Yiu: Valerie Adonis & Frederick Franken
Nieto(a)nan: Isabella Quijada
Christopher Franken
Leah Franken
Rumannan: † Esmeralda Gietel Agatha
† Frido Agatha
† Frans Adonis y Modesta Adonis Hernandez
y Famia
† Marietje (Marlen) Adonis
† Elvio (Papi) Adonis

Subrino(a)nan: Elaine Gietel y Gerard Beugelsdijk, Maritza Silicé, Rugia Silicé y Famia, Astrid Gietel, Eddie y Mariela Gietel Koolman y Famia, Iris Gietel y Famia, Ingrid y Frank Does Gietel, Gina Adonis y Famia, Debby y Karel Arends Gietel y Famia, Edmond Adonis, Lisette y Ernst Mohamed Adonis y Famia, Alvin Agatha y Famia Zelda Steenen y Godfried Lampe, Aldrin Agatha.

Cuñá: Modesta Adonis Hernandez

Iha: Gina Adonis

Amigo(a)nan: Integrentenan/Amigonan di SV Dakota y SV Roma, Amigonan di Town Dragon, Ex Coleganan di N.V. Elmar, Amigonan di Ling & Sons, Amigonan di Superfood, Amigonan di Save a lot.

Demas Famia: Adonis, Bommel, Agatha, Silicé, Werleman, Gietel, Arends, Hernandez, Holsman, Beugelsdijk, Mohamed, Dirks, Irausquin, Does, Koolman, Dooper, Steenen, Bikker, Richardson, Cardoze, Cardoso, Da Costa -Gomez, Boye, Raven, Bakmeyer, Hart, Sint Jago, Vingal, Pablo, Lacle, Monte, Wever, Franken, Leo, Ibarra, Martinus, Webb, Willems, Helder, Quijada.

Nos disculpa si den nos tristeza nos por a lubida number di algun famia of conoci.

Ta invita pa asisti na acto di condolencia cu lo tuma lugar Diabierna 16 Februari 2024 di 7pm pa 9pm na Royal Funeral Home.

Acto di entiero lo tuma lugar Diasabra 17 Februari 2024 di saliendo for di Royal Funeral Home na Cumana pa Santana Catolico na Playa. Nos defunto stima "Eddie" lo ta reposa for di 9 or di mainta pa 11 or di mainta na Royal Funeral Home na Cumana sigui pa un response.

Nos ta lamenta cu despues di entiero nos no por ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Hesus a bisé: Ami ta e resurecshon i e bida;
esun cu kere den mi lo biba, maske e muri.
Juan 11:25

Cu inmenso tristeza na nos curason pero conforme cu boluntad di Dios, nos ta anuncia fayecimento di



Mary Edith Tromp-de Lange
Mihor conoci como "Edith"
*26-07-1947 - † 07-02-2024

Na number di su:

Na number di su:

Esposo:

Antonio "Tony" Tromp

Yiunan:

Isaira y Raymond "Raimy" Davelaar-Tromp

Eldrich y Yuraima Tromp-Ruiz

Nieta(o)nan:

Rayanne Davelaar

Zhayron Davelaar

Qizianne Arends

Mayornan:

† Tomas y † Eugenia de Lange-Maduro

Rumannan:

† Ruben y † Albertina de Lange- del Valle y familia

† Miles y † Maria de Lange-Gonzalez y familia

† Joaquina "Ina" y † Alberto Yrausquin-de Lange y familia

† Clever y Carlos Paneflek-de Lange y familia

† Everett y † Carmencita de Lange-Pieters y familia

† Natividad "Navi" y Mercedes "Sela" de Lange-Maduro y familia

† Grecia y Hugo Kock-de Lange y familia

Mildred y Eroid Bakmeyer-de Lange y familia

Mescos ruman:

Amparo Wever

Swa y cuñanan: † Urbano y † Maria Tromp-Boekhoudt

Catharina y Carlos Sanchez-Tromp

Con suegro y suegranan:

Otto y Myrtha Davelaar-Kock

† Thomas y Maria Christina Ruiz-Tromp

Ihanan:

Vanessa Figaroa-Yrausquin y familia

Omar Paneflek y familia

Swinda Yarzagaray-Tromp y familia

Sobrino, sobrinanan, primo y primanan

Bon amiganan di cas:

Judith y Michelle Laclé

Famianan: Tromp, de Lange, Davelaar, Ruiz, Yrausquin, Paneflek, Gonzalez, Pieters, Kock, Bakmeyer, Maduro, Sanchez, Delgado, Ras, Leonardo, van de Hans, Kelly, Dongen, de Cuba, Dirksz, Hoek, Geerman, van der Linden, Angela, Roorda, Figaroa, Garcia, Vargas Machuca, Trimon, Yarzagaray, Briesen, Laclé

Ta invita tur familia, conocirnan, bisiñanan pa e acto di condolencia cu lo tuma lugar diahuebs 15 februari 2024 for di 7 pa 9 or pm na Aurora Funeral Home.

Acto di entiero lo tuma lugar diabierna 16 februari 2024 for di 2or pa 4or pm na Aurora Funeral Home despues pa Santana Catolico na playa.

Nos disculpa si den nos tristesa, nos por a lubida un of otro familia.

Nos ta lamenta cu despues di entiero nos no ta ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
pa mi haña forsa".
Salmo: 23

Nos ta anuncia fayecimento di:



Richard Augustin Maxwell
*13-12-1951 - †09-02-2024
TX-172

Na number di su:

Casa:

A m a l i a

Maxwell-Garcia

Yiunan:

Zulaika y familia

Magdala y familia (Francia)

Nieto(a)nan:

Ineesha, Jayden,

Jayzion, Brayhan, Fransheska, Heyden

Ruman:

Jubi Molina y familia

Manera yiu:

Jair Harms

Su amigo stima:

Chener Sainvil

Sobrino(a)nan: Frits Lamartini Hibbert

y familia, Frits Hibbert y familia, Aline

Hibbert y familia, Maximilliano Hibbert

y familia

Primo y primanan, conocirnan,

coleganan di taxi y su rumannan di

Iglesia de Ministerial de Jesucristo

Internacioanl y demas familia Maxwell

Ta invita pa e acto di despedida cual lo tuma lugar na Aurora Funeral Home, diabierna 16 di februari di 09:00 pa 11:00 do mainta. Cremacion lo tuma lugar despues den seno di familia.

Nos disculpa si den tristeza nos por a lubida algun number.

Nos ta almenta cu despues di entiero nos no lo ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo
mi ta banda

di boso Curazon, mi por stens di loke
Señor ta hasi"

Salmo 33



Rocio Velasquez Galeano
*20-Feb-1969 - † 10-Feb-2024

Casa: Eduardo Sanchez Joven

Casa: Eduardo Sanchez Joven

Yiunan: Alexander Botero, Anderson Botero, Edward Andres Sanchez

Nietonan: Juan Felipe Botero, Emmanuel Botero

Ruman: †Amparo Velasquez, †Diana Velasquez, Lesly Velasquez, Esperansa Velasquez, Danober Velasquez, Ielder Velasquez y famianan

Demas Famia: Julio Gurrieri, Yria Rodrigues, Laura Gurrieri, Stephany Werleman hunto cu Famia Werleman, Rayford Paesch

Ta invita pa acto di despedida cual lo tuma lugar na Misa Papa Juan Pablo II na Tanki Leendert diabierna 16 di februari 2024 di 2'or pa 4'or di atardi. Cremacion lo tuma lugar despues den seno familiar.

Condolencia lo tuma lugar na Royal Funeral Home diahuebs 15 di februari 2024 di 7'or pa 9'or di anochi.

Estonia su Minister di Exterior a bisa cu Balticonan tin 3 pa 4 aña pa prepara prome cu Rusia ‘test’ NATO



(AP) - Estonia su Minister di Exterior a bisa diaran-son cu NATO tin mas o menos 3 pa 4 aña pa fortalece su defensanan mientras President Ruso ta aumenta su pais su “mashin di guerra.”

Margus Tsahkna a bisa durante un conferencia di prensa na Poland su capital cu Estonia no ta mira Rusia como un menasa inmediato na su persona y e otro estadonan Baltico, Lithuania y Latvia, pa motibo cu Moscu ta ocupa cu su invasion di Ucrania.

“Pero nos mester comprende cu e mashin di guerra Ruso a cuminsa cu tur poder, e capacidadnan di produccion y e mentalidad tambe, pa motibo cu Putin ta controlando tur cos awo,” el a bisa conhuntamente cu Minister di Exterior di Poland Minister Radek Sikorski.

Tsahkna a bisa cu e gobierno di Estonia ta calcula cu lo por tarda “3 pa 4 aña” pa Rusia prepara un “test pa NATO.” Estonia, Lithuania y Latvia ta considera entre e victimanan mas probabel di Rusia si e pais un dia dicide di riesga un atake contra e aliansa militar. Poland, aunke hopi mas grandi, tambe ta sinti vulnerabel. Tur 4 pais ta sostene Ucrania.

Mientras tension entre Rusia y Occidente ta aumenta a causa di e guerra, a reporta diamars cu Estonia su Prome Minister Kaja Kalas a ser poni riba lista di criminalnan busca na Rusia a causa di su es-



fuersonan pa kita monumentan di e era Sovietico. Kalas a descarta e movida como un tactica familiar pa causa miedo di Moscu. Estonia su

Minister di Exterior a bisa den un declaracion diaran-son cu el a yama Rusia su ‘chargé d’affaires’ pa expresa “indignacion.”

Tsahkna y sikorski a enfatisa e importancia di mantene sosten fuerte pa Ucrania.

Hefe di Nacionnan Uni ta adverti cu caos di clima y crisis di cuminda ta menasa paz global

“Bariganan bashi ta causa inkietud”

(AP) - Hefe di Nacionnan Uni a adverti diamars cu e caos di clima y crisis di cuminda ta aumentando e menasa na paz global, bisando na un reunion di Nacionnan Uni di nivel halto cu e desasternan di clima ta stroba produccion di cuminda y “bariga bashi ta crea inkietud y malcontento.”

Secretario-General Antonio Guterres a urgi e Consejo di Siguridad di Nacionnan Uni pa atende e impacto di escasez di cuminda y temperaturanan cu ta aumentando riba pas y siguridad internacioanl, un punto di bista cu varios pais cu excepcion di Rusia ta comparti. “Clima y conflicto ta dos motivador lder di nos crisis di cuminda global,” secretario-general a bisa. “Unda guernan ta surgi, hamber ta reina, sea a causa di hendenan cu mester huy, destruccion di agricultura, daño na infra-estructura of politicanan delibera. Mientrastanto, caos di clima ta strobando e produccion di cuminda den henter mundo.”

Guterres a bisa cu mundo ta



yen di ehempel di e “relacion debastador entre hamber y conflicto.”

Na Gaza, el a expresa, niun hende tin suficiente cuminda y e parti chikito tin 80 por-ciento di e 700,000 hendenan cu mas hamber na mundo. Despues di mas di un decada di guerra na Siria, el a sigui,

13 miyon ciudadano ta bay drumi cu hamber tur anochi. Y na Myanmar, pronostico di caba cu hamber a cuminsa bay den reverse a causa di conflicto y falta di estabilidad. Simon Stiell, e hefe di clima di Nacionnan Uni a conta e Consejo cu cambio di clima ta contribui na falta di siguridad di cuminda y conflicto.

El a bisa cu 1 den cada 10 persona riba e planeta awe ya caba ta sufri di hamber cronico y si cambio di clima ta acelera, “e lo bira pio. Accion sosteni y rapido pa corta emision di gasnan y aumenta resiliencia ta necesario awo pa preveni cu ambos lo keda sali for di control,” Stiell a bisa. E

secretario ehecutivo di Nacionnan Uni su Framework Convention on Climate Change a bisa cu e Consejo di Siguridad “mester admiti cu por haci mas na luga di spera cu e problema lo bay, cual no lo sosode.”

Nacionnan Uni su culpa mas poderoso mester pidi actualizacion regular riba e riesgonan di siguridad di clima, el a splica. Beth Bechdol, director diputado di Nacionnan Uni su Food and Agriculture Organization, a bisa cu evidencia científico ta cla: “Cambio di clima ta poniendo den peliger siguridad di cuminda y impactonan ta un menasa cada biaha mas grandi pa paz internacional y siguridad.”

El a reitera un advertencia FAO: “No tin siguridad di cuminda sin paz y no tin paz sin siguridad di cuminda.” Segun su persona, tin 258 miyon persona den 58 pais cu ta enfrendando nivelnan halto di inseguridad di cuminda y mas di dos tercer parti di nan, 174 miyon persona, ta na un nivel di hamber halto ta a causa di clima y conflicto.”

Merca:

Comite Congressional di Inteligencia ta adverti di un menasa serio pa seguridad

(AP)—E hefe Republicano di e Comite Congressional di Inteligencia e urgi e administracion di presidente Joe Biden ayera pa clasifica informacion tocante loke el a yama un menasa serio pa seguridad nacional.

Republicano Mike Turner no a duna detaye tocante e naturalesa di e menasa, y e administracion di Biden tambe a nenga pa adresa esaki. Pero varios legisladonan, incluyendo Vocero di Cas Mike Johnson, a señala cu no mester ta alarma.

Johnson a bisa cu e no por revela e informacion clasifica. “Pero nos kier sigura tur hende cu nos ta bezig cu e situacion. Nos ta trahando riba dje

y no tin mester pa ta alarma,” el a conta reporteronan na e capital.

Turner a manda ayera trempan un email pa miembronan di Congreso bisando cu su comite a “identifica un asunto urgente relatando na un capabilidad militar den exterior destabilizando” cu mester ta conoci pa tur legislado congresional. El a encurasha nan pa bin na SCIF, un area sigura, pa evalua e inteligen-

cia. Turner tabata un bos pa un seguridad nacional mas fuerte na Merca, cual a pone en contra di algun coleganan Republicano cu ta faborece un metodo mas aislacionista. El a yama pa e renobacion di un herment di monitorio

gubernamental clave mientras cu algun Republicano y Democraatnan liberal a trece nan obheccionnan dilanti.

Y e ta apoya e continuacion di ayudo militar pa Ucrania den su guera contra Rusia durante un tempo cu fondo ta keda incierto debi na oposicion den e Cas. Representante Democratico Jim Himes, miembro di e Comite di Inteligencia, a bisa den un declaracion cu e informacion clasificado ta “significante” pero “no ta un causa pa panico.” E Comite di Inteligencia di Senado a bisa cu nan ta persiguiendo e asunto.

Ta parece cu e anuncio di Turner a sorprende e administracion di Biden. Consehero di seguridad nacional Jake



Sullivan a conta reporteronan na e Cas Blanco cu e ta diene un audiencia cu Turner y otro lider congresional caba awe. Sullivan no a revela e topico of provee cualkier detaye tocante e declaracion di Turner.

El a reconoce cu no ta practica standard pa ofrece un audiencia asina. “Mi ta djis bisa cu personalmente lo mi a tuma contacto cu Gand of

Eight. E ta hopi inusual, de hecho, pa e consehero di seguridad nacional haci esey,” Sullivan a bisa. El a bisa cu el a tuma contacto e siman aki. Johnson a bisa cu el a manda un carta luna pasa pa e Cas Blanco pidiendo un reunion cu e presidente pa discuti “e asunto serio di seguridad nacional cu ta clasifica.” El a bisa cu e reunion cu Sullivan tabata contesta pa su peticion.

Tres morto den bombardeo riba campo di desplazamento na Congo mientras violencia ta escala

(AP) —Un grupo di rebelde a bombardia un campo di desplazamento den provincia di North Kivu matando tres civil y heridando ocho mas, segun un grupo di sociedad civil local a bisa diamars, mientras violencia den

e region plega cu conflicto ta causa protesta y un grupo humanitario a adverti cu miles ta enfrentando acceso limite na ayudo.

Un grupo di rebelde cu supuesto conexion cu Rwanda, a bombar-

dia e campo Zaina dialuna, cual ta aproximadamente 26 kilometer for di e ciudad di Goma, lider di sociedad civil Wete Mwami Yenga a bisa. E bombardeo a bini despues di varios di atake no hopi leu for di e ciudad.



de e rebeldenan di M23 no a tuma responsabilidad pa e atake pero a parece di confirma diamars cu nan tabata bayendo na e pueblo di Sake cual ta cerca di Goma. Expertonan di e gobierno di Congo y e Organizacion di Nacionnan Uni (ONU) a bisa cu e grupo M23 ta ricibi apoyo militar for di Rwanda, aunke e pais ta nenga esaki.

“M23 ta biniendo pa libera nan y protehe nan for di e artillerianan pisa,” e vocero di e grupo, Lawrence Kanyuka, a bisa den un declaracion, referiendo na e bringamento andante cu forsanan di seguridad di e pais.

Miles a huy for di nan hogar den Goma e ultimo dianan mientras e bringamento ta intensifica y hospitalnan den e ciudad ta yena cu civilnan herida, hopi di cual cu cuidio medico limita. “Cu mi ta drumi den e cama di hospital aki no ta yuda mi,” segun Ushindi Soleil, un tata herida cu ta

ricibiendo tratamiento den un di e hospitalnan. “Mi tin 10 yiu, nan ta sufriendo,” Soleil a bisa.

Mas cu un miyon di hende a ser desplasa pa e conflicto desde november, e grupo di ayudo Mercy Corps a bisa diamars. Esey ta agrega riba e 6.9 miyon cu a huy for di nan cas caba durante un di e crisisnan humanitario mas grandi na mundo.

E grupo a adverti cu rutan principal rond di Goma a ser stroba pa zonido di tiro y artilleria. “Agencianan di ayudo ta luchando cu decisionnan diario riba kico y ki ora ta safe pa provee asistencia entre reportahenan di trahadonan di ayudo hayando nan mes entre e bringamento,” Emilie Vonck, director di Mercy Corps den Congo a bisa.

Frustra pa e conflicto, centares di hende a protesta den e capital di Congo, Kinshasa, dialuna, puntando riba embahadanan ken nan ta acusa di no apoya e pais pa trece fin na e violencia. E top oficial di ONU den Congo, Bintou Keita, a condena e protestanan como “inaceptabel.” Mientras tanto, e “peacekeepers” di ONU cual e gobierno Congoles a considera inefectivo den e pais, ta sigui Sali for di e pais prome cu un deadline den december.

